





學文堂集





97.451  
5339  
262

62




TIFFEN Color Control Patches

© The Tiffen Company, 2007



學文堂詩集序

嘗以畫喻詩矣今夫畫之所以絢爛者惟其邱壑層疊氣運生動  
煙雲靈活耳誠能如是第以水墨爲之斯爲絢爛之極矣苟其反  
是雖煌煌金碧徒見其枯槁不韻使觀者欲嘔豈得謂之絢爛哉  
乃今之爲詩者多以金碧爲絢爛而置水墨于不講甚至按之全  
無畫理而徒恃其金碧噫亦已過矣今冬偶過毗陵幾可謂失足  
而獨喜與椒峯陳先生言詩余持論如此椒峯以爲有當于心因  
得讀椒峯近詩則又有當于余心何則蓋如椒峯之絢爛方之畫  
家固講求水墨而不徒以金碧一派富之者也雖然金碧何足患  
吾見古之大家高手嘗偶爲金碧即金碧亦足以傳今之爲水墨  
者非乏人亦復庸庸不足數然則所以絢爛之故將并不在于水  
墨況金碧乎椒峯深知之故其所爲詩原本古學而又未嘗不獨  
暢其才情其尤可貴者篇中往往見骨鯁之談與倣儻之畫譬之  
畫中平遠忽見奇峯突兀畫中蔥蒨忽見蒼松古檜拔地插天如



是以爲絢爛所謂魏玄成之嫵媚世之爲金碧者可不廢然而返哉余故倚舷而題其端亦以歎今之爲詩者也黃州杜濬于皇撰論詩者必首三百篇其次唐杜少陵既已人人知之人人規摹擬似之矣余獨以爲才難既有其才矣風雅頌之異其體興比賦之殊其義感懷弔古登臨行役紀述燕勞贈答之各有其情思皆能得其自然之音響節族秩整不紛亂尤難陳椒峯先生聞吾言而樂之相與往復論說椒峯之言曰信哉詩之難也不博稽古今之圖史載籍不能詩不周知天地山川陰陽律度日月星辰人物事爲之蕃變不能詩不經行關塞江河舟車裘葛曠覽煙雲草木魚鳥不能詩不閱歷浮沈顯晦榮華知遇流離憔悴不能詩是說也余尤樂稱之椒峯之說以學吾之說以識非學無識非識無學椒峯與吾議論交相發也椒峯少年天才飄發家世貴顯多藏書亂離之後舊時卷帙散失獨其家完好如故椒峯因得盡發其所藏反覆究讀凡事之見于紀載者雖奇辭奧旨靡不通達故其爲詩

一出而爲蒼莽浩蕩之音其後流連吳越齊魯泰山黃河燕磯金焦驚濤駭浪北遊長安宮闕車馬臺觀氣象肅穆胸懷開朗鬢眉軒豁呈露則其爲詩又出而爲沈雄春雅之音最後兩射策南宮不第道途羈旅飢渴宵行見月風霜冰雪少時所讀國風大小雅懷人寄遠憂時憫俗之篇以及少陵睽懷宗國每飯不忘君父之意感動觸發于詩則其爲詩又直寫胸臆往往累數百言其音一歸于沈鬱頓挫疏密曲折盡致庶幾古人溫柔敦厚之旨余嘗與王貽上董文友論椒峯之詩以爲椒峯年未三十其才氣雄放固宜不應意思安雅沈練遽至此及觀椒峯論詩然後知椒峯之致此皆以漸而其學其識亦由此而深也椒峯又爲余言子所謂自然音響節族此語似不易到余謂椒峯先生殆已能之特不自知耳古人教人以繩墨法度豈有蹤迹可尋求乎先生歸而讀三百篇之詩與少陵之詩又自讀所爲詩可八九得也余無以敘椒峯卽以余之論詩與椒峯之論詩者敘之如此全州謝良奇石臞撰

客歲浪走長安今夏還里鞭弭肯脫卽就話椒峯齋椒峯方刻其  
 學文堂集凡數十卷曰爲余序之余以詩道之于今日正盛衰倚  
 伏之際也明神熹之間士子蚤歲受書風雨伊唔常事帖誦期以  
 取科第爲鄉里交遊光寵足矣聞有學爲詩歌古文詞者父兄誼  
 友或謂讓之今則少年搖筆斐然自喜類不甘僅爲制舉之文人  
 人爭欲爲詩大約剽竊模擬者多而潛發性靈者少故今日之所  
 以盛今日之所以衰也猶憶庚寅辛卯間余與文友許士公阮卓  
 人介詹椒峯諸子學舉社事以古學相勉旁及詩歌椒峯年未弱  
 冠英氣咄咄逼人每一篇出同人皆斂手避之今文友許士中年  
 殂謝諸子或出或處類皆意氣頹敗而余尤白髮種種老病支離  
 而椒峯所就遂如此噫何可畏也昔南宋劉穆之內總朝政外治  
 軍旅內外諮稟求訴百端日覽手書耳聽口答悉皆瞻舉裁有閒  
 暇手自寫書校定墳籍椒峯少有大志其于天文地誌兵刑禮樂  
 河渠賦役諸大事莫不講求爛熟言之娓娓而賓客輻輳應酬旁

午以至彈琴投壺嬉戲之樂靡所不爲而發揮性情跌宕風雅曾  
 不踰時哀然成集竊比于穆之庶幾近是椒峯大父中丞公當寇  
 賊擾攘之時保障全楚楚人始得保其父母妻子至今戶祝不衰  
 尊人邵公先生余嘗共事西曹見其忠厚惻怛每于人之死地而  
 求其生諺云根之深者其實遂膏之沃者其光奕椒峯以不世出  
 之才而濟以世德之厚年少登朝出其生平所講求者起而措諸  
 事業成大名顯當世固不在乎區區文章之間然而文章之于天  
 下實非細故當今 聖天子治定功成必須一代大手筆作爲詩  
 歌黼黻廊廟將以鏗鏘金石之音挽世之靡靡者而振起之則椒  
 峯其人乎時康熙壬子八月朔三日書于溪邊小閣同里黃永艾  
 菴譔

劉勰有言在心爲志發言爲詩披文載質非獨才思使然也卽功  
 業之廣狹福命之豐嗇皆應之是以郊島坎坷而許燕榮遇揆其  
 心聲枯苑別焉吾毗陵諸君子騷壇互建久噪鷄林椒峯復以龍

跳虎臥之才雄視同輩其大父大中丞鹿萃先生暨尊人比部邵  
 公公皆以古學名椒峯淵源家教窮探典籍每當論文對酒與諸  
 君子鬪題拈韻更唱迭和共較其毫釐分寸刻燭扣鉢累紙連篇  
 莫不躡錢劉壓元白而直躋少陵以上蓋所為宏筆之儒國之風  
 雨矣余與椒峯居隔一垣嵇椒峯之為人不獨詩文足以不朽且  
 克敦孝道為不可及比部公罹難時椒峯纔八九歲即號呼于當  
 事之庭卒得脫母夫人嘗患疾椒峯每夜焚香告天願以身代時  
 時泣不出聲余從隔垣窺之歎服不置己亥春江南有海寇之變  
 時令弟弢仲病危急椒峯日同當事登城俾策戰守夜即至令弟  
 榻左右共寢手調湯藥連日不寐母夫人方避居郊外椒峯每日  
 必走報曰今日弟病差愈矣蓋唯恐母懷懸懸也椒峯孝友根于  
 天性大率如此詩三百篇皆忠臣孝子所為作椒峯當之信無忝  
 哉椒峯向刻有映山堂詩集宛陵遊草公車草今合訂若干卷名  
 學文堂集序記書傳碑銘論議說解之屬莫不犖然畢備序之者

已多余托親串尤不能已于一言且以為讀椒峯詩者宜知椒峯  
 之為人當益以余為知言是為序同里巢震林兼山撰  
 每覽南史瑯琊王氏自過江以來人人有集至七十餘家徘徊咀  
 賞絕歎為江表門風之盛無踰此者嘉隆以來姿制歇絕世族溺  
 榮華之途小儒撮章句之學家有俊民羸具音辭歌謠詞賦略能  
 上口或雅有措作哀錄一集親懿見之輒兒唬疾走以為此敗類  
 之夫而不祥之器未嘗不擬為胡粉剃面搔頭弄姿輕華猥薄之  
 流也私計來者此事便已邇來士子陶冶性靈闡味風旨吳越一  
 區材智輩出有不讀華林七略諸書者則宗黨羞之有不能為東  
 晉清談暨南朝豔曲者清狂不惠之子則父母聞而訕之蓋文采  
 風流官家未有匹婦之致亞于諠夫以今視昔庶幾黃初天監之  
 初年乎今年余以棘人沈頓讀書家弟椒峯東園文友董子亦以  
 讀禮暇時時過從與吾兩人言詩無何椒峯學文堂初集先成樂  
 府選體歌行以至五七言近體絕句共若干卷余覽其全集大約

學文堂詩集序

崔陵沈悝以上人規模曹謝掩映江鮑綜蓄哲匠自命作者余宗  
 獲此固向者過江諸王所不及也椒峯家世華要意氣高壯蓋崇  
 禎時叔祖大中丞公開府荆楚上流異軍蒼頭斬馘白馬黑山以  
 萬萬計既已給鼓吹歸本州而叔邵公又以通明英博之略為興  
 朝豹尾近臣椒峯即籍貴遊珥貂蟬亦宜作景宗兢病之詞擅徐  
 陵雜曲之體況又夙工楊梅之對天性雕朗貫洽百代者乎余與  
 文友神思危惑魂魄哀激謳吟趨豔秋冬氣多放廢之人又不自  
 知日暮矣以觀學文堂一集獨步東南相去奚啻莛楹哉是為序  
 兄維崧其年撰

學文堂詩集序

學文堂詩集目錄

卷一

古樂府 八十一首

戰城南

有所思

上之回

將進酒

芳樹

石流

東門行

西門行

妾薄命

豔歌何常行

婕妤怨

輕薄篇

行路難十首

鬪鷄篇

白馬篇

名都篇

美女篇

紫駟馬歌辭二首

五雜組

讀曲歌八首

子夜四時歌四首

子夜歌三首

歡聞歌

歡聞變歌

春歌

夏歌

秋歌

八十一首

懊儂歌

孟珠

江皋曲

企喻歌

瑯琊王歌辭二首

折楊柳歌二首

幽州馬客吟歌辭

猛虎辭

河子歌

自君之出矣三首

陌上桑

關山月

黃竹子歌



來羅田

那呵灘曲

雙行纏曲

白附鳩

襄陽樂

陽翟新聲

蹋銅躡歌

隴頭歌辭

前溪歌

高陽樂人歌

捉搦歌

大子夜歌

子夜警歌

子夜變歌

莫愁樂

估客樂

三洲歌

五言古 八十二首

贈別

送友渡江之揚州三首

夜飲開封錢刺史署中

詠懷六首

酬巢正君秋日見懷

遠歸

京口道中

閏三月三日登北固山望大江作

遊夾山竹林寺

題江陰睢陽廟

題延陵季子祠

不寐

癸卯公車舟中拜別家大人

別湯谷賓

與趙秋水

登萬歲樓同鄒程邛賦

渡黃河

登固真山

曹城悵望

杜家嶺用少陵積草嶺韻

和王吏部壁閒韻二首

擬後雜體詩三十首

謝吏部眺郊遊  
梁簡文帝納涼  
陶隱居弘景山居  
柳吳興暉擣衣

王寧朔融古意  
梁元帝從軍  
范僕射雲貽友  
任中丞昉涉江

江記室淹望秋  
沈特進約望春  
邱中郎遲征怨  
庾度支肩吾望月

劉庶子孝威望雨  
王詹事筠詠桐  
陳後主叔寶禊飲  
張敬騎正見遊獵  
邢特進邵傷志  
隋煬帝詠鷹

劉祕書孝綽詠蝶  
何水曹遜留別  
徐僕射陵詠舞  
江僕射總羈思  
魏特進收秋晏  
盧武陽思道贈別

劉豫章潛閨思  
吳朝請均述懷  
沈侍中炯自傷  
庾開府信遊山  
王司空襄詠馬  
薛司隸道衡山亭

壽鄒母六秩兼示程邛

別松江徐安士表弟

述懷

冬至夜客居偶用謝宣城韻二首

途遇鄉人入都有贈

春暮用王寧朔寒晚韻

登龍沙寺西閣贈介上人同琅霞文友

雜興

偶成

寓報國寺

癸丑元旦述懷

吳伯成大令招飲聽梧軒同余澹心及山夫秦畱仙稽畱山即席  
限韻十首

乘風曉過嘉興思登煙雨樓不得悵然有作

七言古 四十三首

湖州天聖寺壁管夫人畫竹歌

趙子昂畫壁歌

泰山出雲歌

徂徠山歌

憶吳江趙生絃索

滕王閣

贈郭學博

小虎詞效樂天體 有引

賣解歌 有引

白溝行

登君山

綺山

過秦望山

梁氏園觀女劇歌即席同沈康臣顏修來汪蛟門諸同年賦

贈同年申檢討隨叔

南武山歌

高唐行

河間道中偶成七歌

太白樓對雪歌 有引

君不見與楊生

孫處士歌送無言歸黃山在畢載積刺史席閒同諸子賦

定陶行

高澹湖買魚歌

家藏董字歌

琴魚歌

短歌和王西樵吏部題壁

沈石田畫江南春色圖歌天津舟中為曹峨嶠作

廢苑行

有引

為高少宰念東先生題文衡山溪山積雪圖同家搗謙賦

渡靖江放歌

可歎

胥江行

有引

同友賦得寒衣處處催刀尺

青州行

有引

登半塘寺高閣

過吳江憶前人楓落吳江冷之句率爾成歌

吳山觀飛來石歌

卷二

五言律一 一百四十四首

初霽渡江

過金山

同友登京口避風館高閣望江題壁三首

久雨喜霽舟中同歸元恭限韻

蔣墅舟中遣興同琅霞用工部秋野韻五首

秋杪同琅霞偶過蔣墅賀氏廢圃有感用工部江邨韻五首

秋日楊青巖招飲近園用杜韻二首

霧

丹陽夜飲劉先生署中

訪蔣冷生

寒食江口別弟二首

京口寄內

將抵寶應遇大風瀕險有歎

黃河三首

柳林開

分水廟

過楊東起故宅有感二首

荅龔仲震二首

送梵輝上人赴友人約

重登太白酒樓題壁二首

過南池憶昔與汪處嘿同遊悵然有作

題旅店壁

陶邱假宿何氏荒園

白楊

鴈

輓賀繼登刺史徇難蜀中

將至狼山屯曉宿邨舍

山行

嘉祥郭外同虞掌叔晚眺高閣

客夜

晚眺

盧別駕索詩為別兼承分俸賦謝此詩

曉起

再過濟寧馬上口占

殘雪

寄家書因示鄉人

沙

燈

月

東裝

客夜聞邸報得韓刑部聖秋凶問二首

登東平城晚眺

荏平

過德州二十里鋪示同行會稽吳丈

望景州塔

白溝河晚眺二首

小米

卽事

雪

又雪

晚晴野步

馬上

寄弟十首

夢家二首

盧溝橋

十二月十五夜望月二首

家叔直周哀辭十首

守歲二首

盆梅二首

病中謝友人柱顧

燕邸見探春花

方侍御作楊柳圖索題

許傳舟置酒爲別席上同方邵邨顧華峯

查給諫王望枉送都亭

出都二首

邵邨華峯見和前詩賦此酬贈二首

春半

春雪

又宿  
病中曉行與同行吳丈

旅食

春耕

春望

途中見桃杏盛放獨無梅花因成四韻

山行

到邨  
羊畱邨登高閣

自徂徠歷新甫眺望二首

蒙陰

過邨城

宿遷覓舟

春詠十二首

牡丹  
草  
鴨  
歌

中秋對月

登報恩寺塔

過仲震荆溪草堂二首

送曹倬雲計偕北上

五言律二  
一百三十三首

懷戴孝廉雲簡

與周渭公

晚宿  
再過徐山人居

江陰夜泊有感二首

憶東園

月夜同友口占

梨花  
燕  
雲

筍  
蝴蝶  
黃鸝  
池

姑蘇道中

陪薛 詔使赴鄭太醫宴集

山塘

望江

登北固山樓二首

月夜登玉山

阻風夜泊

瓜洲

登寶應碧霞寺層樓

桃源縣

夜泊魚頭集荒岸不寐有作

陽穀道中

再至德州

觀賀蘭國貢使

送惠上人遊洞庭

別弟二首

贈許方來

下邳

卽事

微雨

秋日過婁東訪曹倬雲二首

得友人山左消息

夏日

雪夜自江上歸過友人宿

訪友

山居

客中懷毛畱鄴亦客遊未歸

哭劉厚瞻姑丈



送吳子班歸池州

贈梅杓司

病中雜詩有引

曉泊石堰

到家

病

自慰

蔗漿

白西瓜

棗

鄒汾亭枉顧治藥

語汾亭

對鏡

燈影

語弟

可歎

劉明府餽黃蓮陳米

戒上人攜藥酒過

觀煮粥

移菊數十本置榻前

岳維沼索書箋筆致揚州同年劉玉少

聞鐘

落葉

思食蛤蜊不得

夢先叔虞掌

曹頌嘉書來慰問兼至因言趙生工相術又言籬菊甚佳恨不與

子共賞詩以報之

飲酒

聞宜興徐表弟病信

喜婦翁許侍御北歸

憶許傅舟鼻寄居天津

展前人畫山水卷

移牀

立冬

得張尚書劄

母宜人生日

典裘示友

見架上書帙

憶東邨草堂

聞鴈

王刺史招飲不赴

藏蘭

小雪

月

幼子

語內時余將入山養疴

烹魚

聞兵過

髮落

襪

輓巢郎中兼山

池水初合

泛舟

病愈  
孫風山示館閣諸集兼索贈詩

和吳梅邨先生三首

素馨

王瓜

菟

登樓

罷琴

文友過別之無錫託士過別之宣城  
榻前命張料絲燈數盞

回憶

喜裴丈楚歸

十一月十二夜雨

對客

聞山東荒信

米價

示姪

湘妃竹爐

與緯雲兄論詩有歎

夜起讀史

步東鄰楊氏園

一室

東溪

城眺

又眺

丹陽僧舍憶去年與其年兄同客逢曹倬雲流連旬日悵然有作

酬別秣陵張丈

懷張古迂

劉生

銅雀臺

塞上曲

入塞曲

關山月

婕妤怨

雨雪曲

隴頭水

蕩槩曲

青樓曲

長安道

梅花落

折楊柳

紫驪馬

雜陽道

卷三

五言律三 一百三十九首

登西洞庭山二首

角菴二首

送同年岳聲國入都二首

雷雨

望高淳縣

奇石

飲施愚山寄雲樓望壘嶂樓作

茗溪寄弟八首

有感

投贈張孝子割股

卽韻送別半雪緯雲兩兄歸宜興

飲張衡我別業卽席同谷賓諸子賦

曉行句曲與同行黃丈

登樓遣興

過漫園與曹峨嶠

過清江浦

夜飲許力臣師六宿影亭

韻 夜赴畢刺史載積讌時刺史將歸山左出依園圖索題次杜于皇

三歸臺

孤鴻

嶧山

廣平道中遇雪

飲申臬盟齋即席賦贈兼寄隨叔三首

順德至日史庸菴太守署中同黃雲孫夜飲

詠帆

詠柁

蘋果

蒙陰郭外題店壁二首

泰山道中山行

策蹇

溪上

平原和店壁韻

德州入舟示曹峨嶠二首

七夕滄洲夜發

天津再泊

野泊

和緯雲病愈之作用原韻

東阿山行失路遇樵者始得過隔馬嶺

晚宿

登岱八首

射陽湖口夜泊喜遇楊丈畱飲限韻

渡江  
白鷺

戊申冬日周櫟園先生過晤金陵寓中

庚戌元旦述哀三十首

過董舜民齋

秋夜龔璠霞移尊招飲楊氏園同諸公用工部遊何將軍山林十

首韻

九日同婁東周子俶同邑董玉虬龔璠霞飲董舜民一草堂分賦

二首

夜同吳伯成秦對巖吳耕方嚴蓀友遊青山莊舟中限韻二首

送魏善伯歸寧都

九日

攜妓看月時余將發長安

夜泊

得友信

維揚登昭明文選樓

呂城

曉發

客中輓程郵

翫月

偶贈二首

憶女

客懷

駕幸南海子

過琅霞論詩有贈

秋詠十二首和友人韻

秋天  
秋陰

秋星  
秋風

秋水  
秋山

秋林

初冬眺月有懷其年在越緯雲在燕

秋野

秋柳

泛舟

至日

月夜送友之浙中

贈友鼓琴

虞山拂水山房公讌

金陵夜赴家總戎十五讌觀女樂席上同諸子賦贈

東郊丙舍病臥初起喜諸子過訪畱飲因示此詩

半塘夜泊假岸邊幽舍小飲同吳伯成余澹心秦畱仙鮑讓侯諸

子用梁大司農夫子見寄扇頭原韻二首

寶帶橋

鶯脰湖

卓林驛

石門夜泊

北新關夜與姑蘇客舟同泊

俞夢符招飲湖舫同山陰呂嶠瞻嘉善陸廣平湖心亭晚眺二首

西湖雜詠

昭慶寺和張祐韻

孤山寺和白樂天韻

慶忌塔

瑪瑙塔

飛來峯

呼猿洞

北高峯

靈鷲峯

上竺

豐樂橋

淨慈寺

石屋洞

法相寺

龍井亭

慈雲嶺

望海樓

十景塘

落星巖

錢塘江

八封田

南高峯

煙霞洞

慧日峯

學士橋

集慶寺

三生石

合光菴

冷泉亭

初陽臺

寶所塔

放鶴亭

六橋和梅聖俞韻二首

望湖亭和白樂天韻

壽星院和董玄宰韻

龍泓洞

靈隱寺

翻經臺

中天竺

九里松

仙姥墩

雷峯塔

虎跑泉

浴鵝灣

放生池

鳳凰山

羅刹石

水明樓

桃花港  
六一泉  
梅花嶼  
金牛嶺

赤霞山  
雲樓寺  
宣公祠

圖畫閣  
四賢祠  
西泠橋

贈相士諸遠之

吳伯成席上限韻

詠瓶中蠟梅

詠橄欖

元旦一首

甲寅

吳門寓中苦雨搗謙過談限韻

甲寅秋暮遊虎邱同搗謙用少陵何將軍山林韻十首

舟過虎邱復用前韻十首

卷四

七言律一 九十九首

元宵雪霽

卻憶

聞鴈

梁氏園亭譙集二首

沛縣道中懷古

魯橋同張漢三遊沙洲寺見碧桃盛開

石佛閣高閣

送劉秉三郡丞署義興

聊城道中送蕭公木下第歸靖江

南皮憶弟

興濟寄懷家兄其年

望岱

天津

夜泊聞鐘

九日登南陵縣倚劔臺

盧溝橋晚晴奉寄巢員外得陽字

曹四孝廉枉駕見過



對酒獨酌得長安來信

丙舍

夜

邨居遲客不至

喜其年兄歸自如皋快讀新詩

偶檢舊作因示文友

立春二首

酬贈岳吏部華山二首

夜飲家搗謙齋賦贈

席上讀搗謙詩又贈時搗謙將北行

天壇

再過滄洲寄黃雲孫

南池

舟中伏枕書懷與程邨介翁

雲閒晚眺同徐安士賦

青浦同友人懷古

荆溪夜泊與戴九韶

贈馬將軍

八月十五夜金陵望月

夜飲徐原一彥和齋中有懷公肅

夜宿鄒黎眉齋中偶贈

馬陵

范蠡湖

舟泊夏鎮望月

東阿懷古

再宿冉埭主人置酒為別因贈此詩

康莊驛次壁閒韻

汶上贈路子復

將至都途中遣興

賣店和王阮亭題壁昨過揚州訪阮亭未值

寄懷文友

下第日周子做過余寓中歎慰交至余與子做皆已入殼子做因用掃翠二字余語誤犯諱遂俱黜落感而有詩

桃源值雨書懷

對鏡

邨宿

送同年潘文山司李温州

秋邨雜詠同程邨文友介詹分賦

鴈天河

馬露月餅

蟬稻

客夜讀仲震詩有憶

邨宿謝人送酒

晏城同丁弋雲旅宿

小至夜夢家

雜興五十首

曉渡高郵

宿遷題項王廟

河決桃源覓渡

山居見辛丑自題之句同年汪蛟門見和

蒙陰道中

泰安道中

白河晚眺

席上贈鎮江錢太守

無題二首

丹陽舟中遇雨晚宿邨舍同環霞和歸元恭韻

送楊陶雲謫建昌丞二首

同元恭遊廣陵訪天士蔣墅邨中畱宿齋閣時天士亦有失怙之痛

飲梁溪吳伯成明府署中出前人詠物詩索和席上同諸子分賦

用原韻

銀鱗杯  
線板

銅鶴爐  
霜瓦

七言律二十九首

孤山見林處士放鶴亭遺迹

岳王墳

岳廟旁見隗義士碑

偕同門臧介子攜尊登湖心亭高閣

遊小輞川館故為王叔明畫樓同臧介子用倪雲林韻

斷橋晚眺用白香山韻

大石佛寺遊眺

雪霽遊智果寺用宋僧參寥韻

四照閣晚眺

過蘇小小墓用小小訖詩韻

舟自蘇隄六橋至白隄六橋

鳳林寺和車玉峯韻

錢王祠

白馬廟

伍相公廟

和鄒九揖絕糧詩并贈

莊澹菴太史蘭語軒蓄歌姬處也聞蘭忽發竝頭數本索題用原韻

韻

寄荅王北山給諫

贈周生花燭

五言排律一二十七首

金陵僧舍客興贈宣城劉文學用少陵寄劉使君四十韻

奉呈劉成菴先生十二韻

贈夫椒高鍊師養沖

金陵述懷贈賀文學用少陵贈至二十四侍御四十韻

無題

客夜鼓琴用工部贈裴南部韻

謁仲廟恭賦

同虞掌叔自鉅野趨定陶贈馬明府用少陵贈韋左丞韻

贈宛州盧別駕濟如署曹篆十七韻盧由吏部司務歷戶部員外

郎左遷別駕

登德州城用少陵上白帝城韻

過平原有懷舊令王章菴用少陵古城韻

再過泰安望岱用少陵西城晚眺十韻

淮陰舟中詠懷奉寄張樞部董侍御兼呈揚州司李王阮亭用少

陵夔府百韻

過石塔寺用孟襄陽總持寺韻

王阮亭席上送劉刑部公猷還潁州用岑嘉州送王少府韻

除夜述懷有引

上魏相國用少陵上韋左相韻

奉呈龔文司馬芝麓先生十二韻

贈朱箠樓司理用杜審言和李大夫存撫河東四十韻

倒押前韻贈吳三十齊賢

題丹山碧海圖四十二韻奉祝高念東先生六秩

贈吳無錫伯成用少陵寄供奉二十韻

贈鄭靖江山公用少陵贈蕭使君十八韻

詠月和元微之三十韻

和李長吉惱公五十韻

再和惱公倒用前韻

贈丹陽張大令十二韻兼示趙湯二文學

卷五

五言絕 六十二首

黃河

同汾州傅史二文學飲酒樓

別弟

烏夜啼

都門送友回南

閩門舟次與汪處默

舟發江陰十絕句

夏宮怨

相逢行

曉行示客

聊城登光嶽樓

過倬雲齋

登東平城樓

望雪

霄溪步法雲菴

古廟

太倉白蒿豆

同原一登玉峯

虎邱

送友赴襄陽任

溪上

再渡高郵湖

題曹渭公半山樓

山行

荆溪野望

送友

夜泊蛟橋

贈友

旅夜同丁弋雲酌酒

示友

除夕

訪友二首

嘗新米

行吟

哭徐五燕

呂城

客過

登太白樓月下有感

峴山

小盤陀

學文堂詩集目錄

松江觀龍舟

吳歌

揚州元宵酒樓作

贈妓

月夜渡江

贈人

懷友

江南思

蟋蟀



偶感二首

雪夜聞鐘

天津橋

楊柳枝詞二首

七言絕一 二百五十二首



學文堂詩集目錄

詩

都門送友人南旋

高郵道中

嶧縣

絕句

偶贈

送友

揚州病中屬寄家信

送寧國焦太守之任

舟次青縣憶季聖昭先入長安

中浮橋見遊女跨馬乘舟競渡

至日

題畫

題捧心圖

月夜過金山

洛陽邨感舊

平山堂

登響山相傳為嚴子陵垂釣處

登敬亭山

荆溪竹枝詞

聽歌

水仙

過揚州

都門除夕二首

夢家

戚姬邨

途中偶見

冰釋

城邊

寒食見楊柳

清明

渡滹沱河

王祥故里

和王阮亭治春詩二十四首

為友人題畫

新豐二首

江上酬半雪兄見懷元韻

泗水亭

石谷同重其過訪送之秣陵兼寄櫟園先生三首

梁谿踏燈詩十五首

盆梅

有憶十首

前題有見和者因復用原韻十首

前題十首

前題十首

前題十首

前題十首 梁谿舟中

前題十首 廣陵舟中

前題十首 高郵舟中

前題十首 淮陰寓中

前題十首 句曲寓中

相逢曲十首

續遊詞十首

悵悵詞十首

卽席與龔琅霞限韻贈妓十首

述病十首

無題為吳蒼符催妝和友人韻四首



舟泊胥江有感二首

初嫁詞戲為張子催妝七首

堂堂二首

登韓信城樓

巒社湖

濟寧登太白樓

七言絕二 八十七首

元夜見走三橋女口占

題畫四首

惠山燒香曲八首

夜飲尺木堂伯成明府出亦園原倡屬和兼示于皇澹心和章漏

斷歸寓即于殘燈下成之亦園原倡為侯比部歌童作也十二

首

上方山遊女詞八首

西湖竹枝詞三十首

有引

南屏晚鐘

西陵聽水

冷泉鶯鷺

柳浪聞鶯

白隄落鴈

麴院風荷

九里松濤

天竺晴遊

三潭映月生

玉泉放生

王叔明畫樓倪雲林嘗過訪于此

西湖女郎曲十三首

蘇小小

趙好好

薛瑤

龍靚

小青

龍井飛泉

兩峯插雲

吳山煙雨

石屋高秋

初陽旭日

韶光觀海

平湖秋月

八封春耕

浙江潮湧

雷峯夕照

迴龍春漲

花港觀魚

斷橋殘雪

昭慶迴廊

慈雲曉望

長橋夜色

蘇堤春曉

孤山梅鶴

三橋競渡

雲居紅葉

朱淑真

胡楚


朱觀奴

丙申初夏避兵安陽山陸墟邨舍月餘乃返今甲寅四月之杪復

到此閒見壁上題詩宛然已忽忽十有八年矣因追述當時情

事續題數章以志慨云十首

學文堂詩集目錄



學文堂詩集卷一

夫椒山人陳玉璣賡明

古樂府

戰城南

戰城南逐郭北沙黃月白馬不得食作書附故鄉故鄉之人胡可得北風妃呼豨野鶴烏畢逋男兒但當結交樓煩日逐長安能老作平陽奴野死不葬亦足以豪仰頭語烏鳶回頭唱董逃

有所思  
有所思乃在大江南何用問遺之鏤金鴛鴦簪用翠羽天紹之鴛鴦七十二一半飛上天一半飛上儂釵頭惜我兄嫂如此釵為君三年藏在懷東一有所思西一有所思黃口小兒不相知膈膈膊膊摧燒之投灰大江中美人之子唐悲翁

上之回

上之回幸秦中歷蕭關狩河東郡國上計以數十萬車莎按尉口授論語甘泉宮白麟奇木產五柞外舍期門孤兒焉敢鼓隴大佳

哉浩無外皇帝陛下三千歲歸宴柏梁臺枇杷橘柚桃李梅將作  
大匠汝治之收中吾

將進酒

將進酒詩審博彈翁繼縱悉索趙代倡聞復作元封二年登泰山  
貳師將軍海上還謁者大夫相繼分治徹侯公主邸第上林玉樹  
種以萬萬計稅侯之子夫人弟生年十五差不細出入椒房奉車  
騎陛下萬年

芳樹

芳樹之生不知一何歲年乃在虎圈熊館之西偏竹宮太乙甘泉  
五利絲衣求仙妒人乃在深宮中暗我芳樹徒爾為不如拉雜摧  
其枝宮內難與久居

石流

石流清以瀏下有江草被以藕上有高臺為君壽遠道之人胡不  
歸湯湯東流西日微實雉之來陳倉或在滄與灞得雄者王得雌

者霸與君相知歌豫暇雉子飛集茄下

東門行

出東門歌吾既出門難走趨更遇梁家奴令我刺促不得驅解  
還入門中心悲顧視頭上多瘡茄桁上無單衣令我涕泗不敢自  
命輕薄兒解輕薄兒亦何為遊戲未央殿後之采恩期門仗飛紛  
相馳一一遊以嬉解我獨貧窶無與伍士有青天下有黃土雞鳴  
狗吠多北風何如短老公驂駕往來遊雲中解四

西門行

西門行行告誰男兒但作人吹簫蹴鞠慎勿為解一男兒但作人吹  
簫蹴鞠胡不為朝謁大長公主殺人闕下薄暮不可治解君拍張  
我篋篋女弟為修成君故兄為富平侯解仙人好樓居健兒好橫  
行今年大作樂明年學長生解不見昔日淮南王金牀玉几作事  
誤不見昔日淮南王金牀玉几作事誤解五鶴子五鶴子六夜飛橫  
門城上宿白布纏旄出桓東少年作計何反覆解六

妾薄命

東都美女齊姜十五窈窕名倡何以居之象房飾用秦珠明璫酒  
如宜城沙糖揄袂為君徬徨見香橫陳奈何醉著幃頭自歌當軒  
綵縹阿那紅羅紫羅白羅玉顏不語微醺起看城頭絳河誰何輕  
薄兒郎彈箏傅粉薰香雜坐但言樂方置酒張燈未央更衣滅燭  
夜長賤妾獨自沈吟靡蕪燒罷深深三年遠戍藁砧極目終無信  
音釵頭九子同心為爾空牀至今

豔歌何常行

當來日大難置酒出上蘭大兄善輕俠小弟作官一請言王子晉  
亦復可憐紅顏學吹簫倏忽昇青天解天上何所有歷歷種白榆  
南斗工吹笙北斗工吹竽解酒半左右視天上羣仙皆小兒人世  
大歡樂安能鬱鬱居此為解汝南王馮子都肥牛大肉出中廚後  
房著繡鬢一一紅襜褕今年作官人賓客府中趨四座歌薤露漿  
酒進百壺汝南王下為趨

婕妤怨

長信階前月流姿滿漢宮暈輕疑麝粉弦仄似銀弓苔錢鋪翠輦  
花鑷冷香筒聞說昭陽殿君王藉綠熊

輕薄篇

洛陽三月節春人盡可憐夾車金蹀躞馳道錦連錢九劇離宮外  
三條小市邊松侯原嫵婉香掾復嫵媚君王能射雉公主愛遊仙  
別有芳菲處妖鬟一倍妍倡家栽百合挾斜種旱蓮妝宜石黛飾  
腰用紫羅纏庖人斂綠幘舞女仕藍田長姑樊博士小弟李延年  
朝朝復暮暮安坐但調絃

行路難十首

握手復悲歌生年二十當奈何人生如樹花之開謝又如白日之  
經過庾徐潘陸不稱意金張趙馬何其多鉅鹿公主青牛車柁陽  
小侯紅兒鞞我今不樂見此物脫身直上城南坡歌夜黃舞來羅  
生年二十當奈何

誰何明鏡名盤龍乃是洛陽良工之所造帶繡七十二雙之鴛鴦  
鑷以金筒薰鵲腦置向瑣窗前蛾眉對君掃絕代紅顏亦可憐他  
人不羨自云好君不見女兒作人良復難象牀繡被終朝單東鄰  
小姑身早貴西家健婿已得官寄語女兒勿太息我作男兒亦何  
益篋篋須鼓箏須拍綠蟻為君淨一石區區復區區細事慎莫填  
胸臆

君不見周家太子名子晉紅顏十五還昇天又不見陳家太子名  
叔寶珠襦玉匣不得眠古今咄咄多怪事官家哀樂何其異同是  
風流綺麗人總居花月妍華地腐儒齟齬頤復張但能齷齪論興  
亡緜嶺吹簫亦兒戲敗樓玉樹本尋常

食梅劉黃檗其中酸苦心自知男兒一失路安能長傍他人為生  
平五綵筆只解歌行路歌辭掩抑妙入神歌向君前君反怒拉雜  
此筆燒此歌我今不歌君奈何君言一生爾被悲歌誤歌且住明  
年便作官人去

布衣落拓善詞賦家在金陵縣前住金陵縣前多貴遊香車寶馬  
工細步我昨出東門道上與之過平頭奴子白玉箱掉却金鞭不  
回顧傍問車中人知是舊時貧賤交故人憔悴君所鄙安能望君  
珊瑚九子之珠旃憶昔寒閨結納時故人為漆君為膠我但吹簫  
自得食不樂伺君囁嚅泐之顏色君不見范雲與江祐歡好通  
心腸一朝貴賤異分手莫徬徨還君懷中金剪刀我今塗泥君鳳  
凰

作書寄鄉里我今客遊非得已人生遭遇不自知豈料別離今至  
此七月八月天風寒城頭北斗何闌干可憐戍兒不得睡夜寒吹  
角何時殘拭君階上玫瑰七寶卻月碁運君腕下芙蓉蓮子細腰  
杵擣君箱中流蘇八撮征人衣縫君手中迴紋錦襜東吳紵蕭關  
道一望茫茫惟白草三尺鮮卑刀令我紅顏為君老  
旦日大作樂樗蒲中尉宅坐下西曲之名倡坐上南朝之狎客絳  
蠟如山徹夜燃二十四枝金穗麥誰欺擊鼓半綵衣傍有鈿箏夜

深擘五更窈窕梨花掖行徧綠錢曉無迹銅丸輕落繡瓦中三尺  
屏風遮不得酒酣自作輕薄篇金鷺細管吹向天忽逢老翁提袂  
至責我作事何輕獧拍手語老翁我今倒行逆施殊可憐衛玠一  
生原善疾謝莊家世本無年  
昔我華盛時大官爲治第一門丹穀十七人道上寒流但熟視小  
婦新成倭墮妝長兄工作拍張戲半醉低吟昔昔鹽同車休沐是  
江淹相逢私過君平肆攜手還披季主簾君平季主皆能卜言我  
一生擅紈縠十五出入白玉廬二十承恩黃金軸誰知倏忽逢滄  
桑眼前宮闕多感傷乃信世閒上筮祇末技誰能識我薰香繡虎  
之行藏

仙人王子喬遺我一丸藥白玉爲刀圭丹霞爲橐籥令我服之大  
笑樂下騎赤鯉上黃鶴矯首詣神仙天上亦可憐姬人空擣寄生  
草纖手何須妬女錢秦皇漢家復誰在少君樂大死道邊若云天  
上埋愁處奚事吹簫女下天

奪君手中白團扇寫作長歌短歌徧歌題名曰行路難昔日王筠  
鮑照之所撰書君紈扇君不知但用金犢轅中行障面道逢秦韓  
娥見此歌憐我音節斷續何其多歌之曼聲一日夜美人羅袖淚  
雙下美人但問作歌人此人淪落殊苦幸勅令此歌譜入石城樂  
石城章謠差不惡

鬪鷄篇

良辰騁袷服名都撰樂方魯國鬪彩距臨淄出廣場輕揭青絲籠  
嬌提白玉箱芥粉染繡臆金瓜矯錦裳一博百萬錢帟頭爲低昂  
少年盛意氣凌厲浩無方誰何耽此技城東瑯琊王側坐羅銀箏  
出入攜金牀歸來宴狹斜十五明珠璫丈人且安坐華燈正未央  
白馬篇

白馬錦絡頭翩翩出長楸嬌嘶落朱汗翠羈籠紫驪云何馬上郎  
盈盈博陵侯寶刀若霜雪蹀躞橫邊州出身袍罕城人直并幹樓  
縣官賜褭蹶中婦彈箜篌列宅銅街左揚鞭過道周生年十五六

長嘯凌千秋道逢秦羅敷借問識此不易知復易識盈盈博陵侯  
名都篇

京洛多妖女名都多少少年負甲第直上青雲天結交羽林郎  
橫行大道邊十五度疏勒二十銘燕然腰閒楊葉彈鞍上錦連錢  
功成棄官爵長揖求神仙左把羨門袂右拍安期肩回顧同時人  
一一皆可憐東園出祕器便房啓重泉珠玉爲衣襦笙歌向墓田  
榮名誠可貴高蹈良足傳

美女篇

美女家邯鄲被服羅與紈耳後大秦珠髻上翠琅玕室中何所有  
珊瑚閒木難繚以紅璧璫約以黃金環灼灼芙蓉花盛年誰不歡  
佳人秉禮義隱約自盤桓東家白馬郎姣好作達官媒氏結殷勤  
貽我青綾端含情返空房雲和一再彈人生重儔匹華貴寧所安  
紫驪馬歌辭二首

男兒欲作人千金買轡頭女兒欲作人百金買篋篋

梁朝第三妹新嫁瑯琊王從奴百餘騎盡作江陵裝

五雜組

五雜組工文章往復還歸故鄉不得已心徬徨

讀曲歌八首

八月九月時儂心大作惡儂自有所思人言殊戲謔  
昨宵厭明月玲瓏今夜開與歡展慙慙小罵春風來  
八寶裝腰帶珊瑚絡臂鞵爲歡新約束好去鞠場頭  
欲言未及言窗下弄兔筆歡心不解人那識六與七  
種蓮橫塘中種菱橫塘側采蓮復采菱側側復力力  
頻喚不暇應去撫牀上琴枯桐絃鴟絲何當託兩心  
誰道儂善妒實情不敢辭何能斷慙慙出入使心危  
日落意復明歡心不可測從歡子夜去儂已辨顏色  
子夜四時歌

春歌

百花含春思臨風故敲斜儂無如花貌休將儂比花

夏歌

儂詠白頭吟歡歌紈扇詩夏蟲語寒冰相憐能幾時

秋歌

秋日閉空閨因歡遙相望驚心看屋瓦無日得成霜

冬歌

銅爐熾獸炭氈幙垂房櫳儂有禦寒衣辛苦爲歡縫

子夜歌三首

晝因枕牀琴歡來促儂起歡促儂底爲明月入窗裏

儂心歡自知故意向歡問腸中轉車論問歡歡不應

儂自有所思儂實無所思儂幸無所思思歡歡不知

歡聞歌

明月照江浦清風搖池蓮感此風月情徹夜不得眠

歡聞變歌

人傳歡負心歡心未嘗負負心亦任歡儂心自如故

懊儂歌

相思不見歡負儂非一事屬歡休寄書儂今不識字

孟珠

衫輕如有見釵溜似聞聲羞郎還障扇顛倒爲郎情

江皋曲

連山塞道路漲海斷橋梁舟破車軸折歡儂時時雙

企喻歌

出門不反顧志在立軍功要領棄沙場馬革何須封

瑯琊王歌辭二首

中宵把官燭拔劍東西揮男兒不得意白首欲何爲

曉騎憎馬出暮騎憎馬歸手提五尺刃試問騎馬誰

折楊柳歌二首

君子且安坐聽儂歌柳枝春風著處飛柳枝終自持



陽春二三月楊柳正作花故故漫天飛何由到儂家  
幽州馬客吟歌辭

飛雪沒馬髀邊地常苦寒健兒貧無錢賣馬先賣鞍

猛虎辭

猛虎氣怒張伺肉在倉卒牙爪恣憑陵其氣亦易竭

阿子歌

鳧鷖宿溪西驚飛過溪東婦人不出戶鳧鷖笑殺儂

自君之出矣三首

自君之出矣獨自守空幃寒月仍相照行人去不歸

自君之出矣思君情實深風塵改容色不改去時心

自君之出矣與君不相違隨君若形影夜夜夢魂飛

陌上桑

采采陌上桑懿筐不能盈蠶饑待桑食怕聽倉庚鳴

關山月

月照不隱物不照遊子心關山在何許流光不及尋

黃竹子歌

持斧斲黃竹莫傷黃竹根竹斷還可續根傷難自存

黃鵠曲

黃鵠參天飛矯翼隨流颺羣侶不可恃摩霄宜及時

來羅曲

花好有時謝白日有時過少壯奈老何聽我歌來羅

那呵灘曲

下水舟行疾上水舟行遲上水與下水那是到頭時

雙行纏曲

吳綾白于雪足趺嬌可憐儂亦自言好努力春風前

白附鳩

送歡下揚州含悲擷江離不知路近遠借問弄潮兒

襄陽樂

人傳襄陽樂襄陽在天上儂願住人間邀歡兀相向  
陽翟新聲  
明鏡燭魑魅寶劍辨雄雌男兒無志氣白首不相知  
蹋銅蹠歌  
誰家白晷郎手控紫絲韁馬後挂偏提日日走毬場  
隴頭歌辭  
有虎不采有龍不漁隴頭流水不可以居  
前溪歌  
問儂住何許儂家住前溪溪邊楊白花飄東還復西西去行不歸  
高陽樂人歌  
皚皚雲閒月奪我雙燭光芒茫蕩子心摧我九曲腸  
捉搦歌  
溪邊女子住何許舌卷入喉不敢語去年阿婆許嫁女而今女子  
漸成嫗

大子夜歌

昨宵歌舞罷儂心猶未歇歡復喚儂何儂正理瑤瑟

子夜警歌

螳螂怒當車壯士亦凭軼歡意有所爲儂心無不力

子夜變歌

人言歡負心歡心儂白明不是旁人語那得見儂情

莫愁樂

不識君子心但看飛花似苔草不離咫飛花去何已

估客樂

泊舸大江側桅底相邀呼丈夫志四方安得守區區

三洲歌

錦幃懸玉鈎玳明珠光角枕繡鴛鴦試看時時雙

五言古

贈別

學文堂詩集卷一  
結交在千秋羞言徒意氣以茲保幽貞念我空勞勤昔我居故鄉  
遺我雙錦鯉錦鯉藏尺書有懷誰能已一見令人悲再見令人喜  
三見更無言寸心何所似我去不復見前期渺難計雲中江樹微  
歸帆翳天際

送友渡江之揚州三首

長江日夜流攜手逝安適離別在須臾徘徊岐路側四顧起悲風  
陰雲互交結君其慎風波所願崇明德歸轉會有時矯首冀良覲  
良覲安可期遊子去何之江樹渺難見江流無已時揮手復延仁  
悵悵令心悲男兒戀故鄉母為遠別離酌爾盈尊酒願爾長相思  
相思詎能已請為遊子曲賴以喻中懷清商何翻覆思情無定端  
別路自成速涕泣不能言願作雙鴻鵠俱因晨風飛翱翔越南服  
夜飲開封錢刺史署中

主人敬愛客歡樂方未央永日恣行遊繼此良夜長圓景澹清暉  
列宿垂金塘好鳥市樹鳴珍木迴蒼蒼側徑既幽鬱百卉粵芬芳

新池種菡萏別館夾修楊嘉賓共欣賞遷坐復翱翔圓方充嘉肴  
旨酒行羽觴管絃動哀響度曲悲且涼故園動離思豈不傷中腸  
但以眷眷情願此陳樂方伸紙弄柔翰良會不可忘  
詠懷六首

灌夫負氣士目中無武安蟻視程不識直欲溺其冠傷哉魏其侯  
千載為銜冤推案起踟躕空堂生暮寒  
南山有松柏蔦蘿附其巔松柏何亭亭蔦蘿自翩翩上凌千仞峰  
下俯百尺淵託體雖不同相依亦已堅願言弗遺棄一一全其天  
椎牛享壯士脫粟款上賓禮樂有隆殺所貴情性真乾餼本細事  
或以戕其身

網罟滿陂澤江海多遊鱗羅罟編叢薄林谷多翔禽法密有失出  
中具天地心請君破網羅勿令魚鳥驚

誰將萬斛舟虛置大海頭桅檣上千雲嵯峨排空流長年若有待  
束手慎所投泛泛天地間飄搖經千秋工用誠不易置此豈良謀

飛騎金僕姑銀鞞白玉弓此物誤家國萬里生悲風白楊走黃兔  
昔日椒華宮脫身游灌陰回首悲煙烽瑣瑣安足論憤激羅心胸  
勿學魯仲連飛書自稱雄且把珊瑚釣長揖浮邱公

酬巢正君秋日見懷

朱華忽以謝秋思轉遼廓我友凌霄姿相顧忽不樂長嘯自飛揚  
短歌寧落拓豈無輕薄兒新聲動京洛走馬上銅街明珠彈黃雀  
千金買轡頭半醉金丸落何如我古歡家居重然諾惻愴嵇呂言  
慙懃芳杜約令言永不忘我道惟龍蠖  
遠歸

書短心目繁頽然獨隱几憂思結中腸暫坐還復起歸來意倉皇  
煩紆亦足鄙何如農家流努力事疆理溫飽同朝昏麾肱牧羊豕  
行當負耰鋤鹿門有遺侶

京口道中

昨夜宿丹陽今日入潤州眇默道路長靡靡我心愁曾輝薄迴谿

飛雲翳方舟鶴鶴遠相叫鷗鷺爭分投人家繞原隰黍稷盈田疇  
雲端眾山見林表孤煙浮男兒志四方無爲悲遠遊況有盈樽酌  
可以銷人憂

閏三月三日登北固山望大江作

年芳麗玄已茲日善遊遊駕言尋遠山親串荷嘉招出自西北隅  
威紆道路遙幽林茂纖葛大田敷時苗旣眠蔭檀欒平楚正翹翹  
寒潭起陰雲秀嶺迴涼飈桃李市樹枝松柏挺孤標桃李自隕落  
松柏歲不彫啟戶面大江浩蕩喧寒濤圓波動遊鱗畢景崩江潮  
迢迢萬里帆茫茫隨風飄延仁望故鄉歸與掩蓬蒿願采三山芝  
長嘯從松喬

遊夾山竹林寺

平生挺逸趣永懷在邱壑茲遊賞心愜俯仰增遼索萋萋春草繁  
藥藥春華落結架山之巔登頓欣有託修雷挹飛泉浮雲冒林薄  
瑤草盈階除金庭喧鳥雀側徑旣窈窕諸峰自交錯耳目靜無擾

文翰時閒作似此足忘機一悟存玄漠

題江陰睢陽廟

突兀睢陽廟乃在江陰城幽光碎金碧肅肅來羣英唐家再造力  
江淮公所平公看古道閒白骨紛縱橫安得古董狐一一存其名

題延陵季子祠

入廟竦瞻仰屏容復徬徨幸生君子里來此酌椒漿青苔閉鼎迹  
白日淪空梁高風動遐溯豈云同子臧所以爭戰餘廟貌猶輝煌

不寐

軋軋機杼聲月落天未曙饑隼思摩天迴旋復而樹況有寒飈侵  
當我羈愁處

癸卯公車舟中拜別

家大人

十月鴻鴈飛長跪辭我父父去行路難出入謹跬步又云慎交遊  
新知莫如故故猶不可知兒惟守吾素有叔同遠行早晚藉相顧  
叮嚀再致辭饑寒儻無誤言罷重欵歎聽之淚如雨離別須臾時

悲風鳴日暮顧瞻戀膝下氣結不能訴敬佩金石箴勸此馳驅路  
別湯谷賓

良夜賞清尊故人權未斲斜漢耿朱方圓暉凝綺席平湖淨無波  
遠岫紛如積離聲玉瑟傷別渚華鐙惜儻爾長相思何愁越阡陌

與趙秋水

昔我遊大梁遇子矜交結今我入丹陽與子敘疇昔大梁秋鴈鳴  
丹陽春草歇客路非所悲所悲久離別

登萬歲樓同鄒程部賦  
結構何岩薨茲樓美無度山勢迴迴翔江流遠奔赴曠望澹秋暉

深情移日暮芳樹瞬參差好鳥鳴無數已歌行邁詩復作登高賦  
非子雲霄姿孰愜滄州趣酌酒思王恭千秋等朝露所以達觀人

勿使浮名誤

渡黃河

既渡淮陰隅清秋未云緬復尋河水源客思欣彌展長波互千迴

折瀟驚萬轉近矚呂梁流遐溯崑崙演遠岫蟲龜蒙夾渚森柎榭  
猿嘯深樹林鷗戲平沙衍遊魴美無度秋菊芳堪攀即趣咸已佳  
觸賞尤稱善用藉京華遊媿非濟川選儻遇澄清時豈止流英睠  
登固真山嘉祥郭外

驅車城東隅散步城南奧茲山挺逸趣稅駕諧所好凌崖既竦瞻  
尋壑更驚眺崩壁藤蔓交深樹猿鼯叫白鴈時飛翻頰霞晚餘照  
松盤洞口雲鳥闢花間道却煙散荒林雲薨聳層嶠即事信嘉美  
菊矚彌娟妙九點列參差諸峰環窈窕日暮移深情良遊暢夙抱  
撫琴動清音擷管起淵調圓輝漸以臨清尊爛熳倒無為望故鄉  
徒瘁征人貌

曹城悵望曹州曹縣高臺臨城闔頽霞散原隰上有懷歸人長歌以當泣煙生秋夕陰  
月轉波光入豈不望故鄉鄉遠望靡及  
杜家嶺用少陵積草嶺韻

諸峰迴迴合春光遞隱現雨餘石磴新雲浮顏色變但覺移深情  
何知異鄉縣日暮憩荒林馬瘠人亦倦嗟予行邁人敢比金臺彥  
上書未見收黧黑非顏面側席今方殷江湖望遐眷譬彼雲中龍  
天矯有時見

和王吏部壁間韻二首  
登頓疲心神支離筍輿內幸逢山水鄉日極遙天際溼雲迎樹橫  
圓景當峰背瑟瑟水迴互塗塗露陰翳離離動情思渺渺舒胸臆  
鷗鵬信能飛豈能辭羽翼所以雲霄傷金風結遐契  
瞻彼南山岡合沓相盈虧地脈有同異車馬遙追隨松楸互交結  
颺颺紛趨馳既眺岱嶽雲復覩碧海曠朗澹秋思胡為攢雙眉  
世路自險巖我心恆猶夷緬懷乘時人告我以執綬  
擬後雜體詩三十首

謝吏部眺郊遊  
春郊延賞心芳林娛遠目策杖恣逶迤振衣寫幽獨青莎暖墟煙

紫岫麗朝旭石蔓藤梢枯堤交柳枝矗滾滾泉湏急稜稜土岡複  
遊鱗上崩灘去鳥赴飛瀑物類多所欣人羣亦相逐誰能繫塵纓  
聊此假休沐

王寧朔融古意

蘭閨春晝暖風來吹素裳芳草生愁思斂眉織流黃彩絲漸以短  
匹錦棲鴛鴦下機背窗坐低首弄明璫豈無翡翠翹匳鏡塵飄揚  
春風有時息奈此春日長

江記室淹望秋

白帝肅曦御煙景橫激波平楚極蒼莽躡級登巖阿漸瀝露華裊  
啁嘶禽聲多雲英轉影忽山骨增差我澤蘭采未綉徑草衰已按  
歲暮綴離憂幽思竟如何

梁簡文帝網納涼

織幃卷廊廡月華澹生芒露墜銅盤淨風吹桂殿涼蟬唱歡林茂  
魚跳引藻長階屺乍鳴鳩梧桐待儀鳳水壺濯素影玉漏傳清商

試問琉璃匣共倚轆轤牀對茲忘永夕百卉承天璜

梁元帝繹從軍

鏡吹越闔都虹霓曳隼旟刁斗依營壘烽煙迫羽書嘶斷星馳馬  
飛殘月下烏前行窺虎豹閒道避猿馬舉燧驚奔象鳴鶻笑落鳧  
開山平灌莽宿水亂菰蒲將軍能用武策士得紆謨雅歌迎露布  
奏凱頌來蘇

沈特進約望春

旭景麗鳩鵲出直命前驅和風徧郊甸高幃過城隅燕姬垂廣袖  
趙女飄輕綸玉織籠錦瑟寶鬃懸明珠攜筐遵小徑采蕨欣載途  
眾意乃伊鬱下情獨踟躕春草方芊綿無爲歎薜蘿

陶隱居弘景山居

五丁斧峻壁一徑開鴻濛懸磴構精室拓地基真宮風生震哀壑  
霧冑藏孤峰薜靡草色悅澗澗松聲雄紆迴勢多阻駁落形千重  
伏虎迹已逝叱羊事無蹤丹書閱紫府瀛臺厝微躬

范僕射雲貽友

山川渺何極雲樹隔千里音徽久不親相思正無已春風自東來  
吹彼桃與李枝上鳴鶯庚花閒散錦綺昔人感榮落末季徇臧否  
覩此念同心浮名等糠粃尺書通素懷願言執鞭弭

邱中郎遲征怨

流鶯度金井戲蝶過銀牀葳蕤鎖簾幙詎復知春光羅帶漬清淚  
繡衣疊空箱深閨夜不寐高樓時一望雲飛風未息花落枝畱香  
豈無白頭吟道遠安可將

柳吳興憚擣衣

天高澹秋夕翠幙流微光顛顛守殘更蟋蟀鳴空房萬籟淒以悲  
孤情邈難降不惜形影單所悲道里長思君戍邊塞寒風襲衣裳  
狐腋多蒙戎韎韐馳沙場最苦邊月明哀鐸聲琅琅此時默無語  
鬱紆盤中腸妾抱千里心點檢嫁時箱茱萸蜀錦綉虎鸞龍章  
裁縫趁短檠刀尺倚匡牀桐葉戛疏櫺楓色凋輕霜逡巡步閒庭

窈窕循前廊礎杵發遠音斷續淒以涼想見斂雙蛾寄衣愁難將

任中丞昉涉江

挂席志千里洄洑浪如織地維斷鼇足震蕩失疆域建瓴忽欲傾  
爭途淼難卽峰高障四圍樹遠張半翼日射潛虬動風撼奔鯨偃  
客思轉孤危胡爲受羈勒

庾度支肩吾望月

秋宵望不竭虛白漸東來碾輪舒玉轡匳鏡駕瑤臺露重弦疑溼  
雲移影乍迴微暈芒生角明蟾蚌有胎木升先出沒欲落故徘徊  
寂伴閨人榻光涵客子杯最憐霜雪裏夜夜照龍堆

劉庶子孝威望雨

雲容曉蕩涵霧氣晝迷瀆翻盆奔疾雷落沼驟迴瀾聲震千林沸  
炎驅萬井寒低飛鳥翅重亂拂柳條殘荇藻泛頽岸魚龍上急灘  
牧豎斜蒙笠漁人走荷竿避氛聊徒倚無事獨蹒跚桃笙且高臥  
習懶詎簪冠



劉秘書孝綽詠蝶

春意滿遼廓穿花生事微尋香勤不倦  
啜藥暫相依帶露衣逾潤  
隨風翅善飛避蟲驚忽下逐扇屢爭揮  
繡裙多有伴時傍借恩輝

劉豫章潛閨思

長門誰作賦永巷自含悲空懷疇昔意  
細數別離時思深翻著恨  
情重卻成疑眉顰山失翠腰痠柳垂絲  
瓊珮投無處金釵挂未期  
獸爐香不熱鳳管寂難吹鳥迹當窗徧  
苔痕入檻滋東風知底意  
側側使心危

王詹事筠詠桐

嶧陽有遺植布影何離離濯露曉逾碧  
隨風時欲披響徹通金井  
形孤侍玉墀鵷雛望可即鸞鴛爾如知  
報秋先墜葉取用貴孫枝  
得遇中郎賞爨下詎為遲

何水曹遜畱別

宴笑能幾日敢計別離時一朝重分手  
鬢髮俄有絲傾危置不舉

折柳行自持鼓吹遶林木輪蹄薄河涓  
春草紛碧色春風蕩寒澌  
咫尺懸兩地千里只在茲感君烏能已  
報君長相思

吳朝請均述懷

嗟僕本恨人酬恩向何所隻身負蒯緱  
匹馬逐徒旅朝發崑崙巔  
暮宿黃河渚春風鳴鷓鴣秋月亂碁枰  
奮忘險艱眾憂易寒暑  
寧無百金裝馬用千日醕但願傾蓋交  
片言贈縞紵

陳後主叔寶禊飲

入春歛季月上巳叶茲辰近水逾滢泚  
遙山更嶙峋放鷁載樂部  
張筵集高人杜若沙邊合鳥鷺堤畔駟  
眾音傳細響連幔隔微塵  
觴飛鳥羽疾賦就露華新禊飲乃吾事  
采蘭詎彼倫

徐僕射陵詠舞

寶炬耀華屋神清當夜闌傳呼疑有待  
宛轉欲前難珮遠聲先入  
衣寬影怯看雙棲羅襪鳳斜挂玉釵鸞  
香風散綺席蝶影撲雕闌  
故作低回態應憐氣力單主人真愛惜  
邀客題冰紈

沈侍中燭自傷  
榮瘁乃立異年運因不齊石田詎有穫枯楊或生稊力弱昧所往  
志壯寧獨棲依人逐鞍馬到處聞鼓鼙廢井餘奔兔空村無鳴雞  
憂時對風雨歷事隔雲霓鬱紆中情傷拭眼觀山蹊

張散騎正見游獵  
將軍耀威武獵騎出平原旌旄齊捲霧弓矢不弢韃市地驅秦鹿  
焚林失楚猿車輪憑犬疾馬足逐鷹翻毛羽羅前隊輿徒靜不喧  
獻豸臣子意勞績莫須論

江僕射總羈思  
夙昔具山志誤為塵鞅羈新知行且速故衣業已淄疆甸本遼  
車馬紛驅馳飛蓬不著地芳莛常棲澗懷鄉病莊舄念舊縈鍾儀  
墨翟絲匪素楊朱路終岐感事畏秋早投時識年遲幽憂何由遣  
太息還自持

庚開府信遊山  
林不飾

採藥天台頂紫氣貫赤城願結空巖侶誓遠入世情冠肖芙蓉簪  
衣飄薜荔輕短杖懸藤笠長鏡荷鐵鑊煮石旋成芋烹芝訝似嬰  
鶴飛真不化龜息本無聲三山未易即徐福先已行

邢特進邵傷志  
尼父乘桴歎子路無所裁汲汲乃徒爾栖栖亦傷哉聖人行且往  
後進誠可哀援琴操倚蘭曳杖披蒿萊顧茲苦寒月霜雪白皚皚  
凍鳥艱鼓翼潛魚難暴顛荒廬寂以閉良友招不來撫已興百慮  
聊酌鸚鵡杯

魏特進收秋宴  
鄴下英賢集西園翰墨雄乘秋心淡澹向晚月玲瓏熠燿明莎露  
鳴蜩引樹風飲籌交座右歌韻轉空中停拍非關誤傾卮不厭空  
飛揚爭倚馬跋扈陋雕蟲莫笑才人薄齊竽本自工

王司空哀詠雁  
塞外頻來去銜蘆智或非沙空常警宿雲斷欲爭飛雷羣聲更急

蒙難影防稀雪霜遭路窘落繳蹈虞機稻梁恩澤重萬里望秋歸  
隋煬帝廣詠鷹

矯健西風裏猙獰立臂鞬華絛垂朱纈金環繫玉鉤雄姿真逸代  
猛氣恰凌秋側目視天末攬身入雲頭天鵬摧廣野狡兔截平阪  
應時先祭鳥止殺暫為鳩自蒙君子取羅罽豈輕投

盧武陽思道贈別

祖道集郊牧輶軒萬里行玉節承天命金符降帝京使星臨異域  
皇路始孤征景汎蒼煙闊光銜返照橫白雲遮馬首翠柳拂霓旌  
陟磴羣峰合緣谿亂澗鳴寶雞虔禱祠筠杖著威名司馬曾題柱  
終軍漫請纓獨賢肩國事靡監督王程醜勳知簡在臣哉歌載賡

薛司隸道衡山亭

亭暮鳥雀喧亭曉麋鹿遊爛熳賞爾春搖落悲我秋秋氣散谿壑  
春風秉橐籥天地鼓元和古今鑄精魄精魄壯而強元和樂以康  
持危戒覆餗慎德在括囊括囊乃无咎覆餗要可醜嘉禾雜萑稗

頑石溷瓊玖瓊玖貴故函萑稗賤且芟君子踐忠恕任彼物類儻  
壽鄒母六表兼示程邛

恭惟乙巳秋鄒母六表時登堂執玉杯小子前致詞堦母母之妹

母也堦母姨堦母之甥母也少愛之以此骨肉親得荷長提攜

令子天下士自幼慚肩隨母命相砥礪少壯努力為謨也成大名

堦亦蝸角微母顧時色喜吾母亦神怡謨年三十餘昨歲方舉兒

摩頂知石麟積德報匪遲堦年亦三十生兒週一期吾母時聚首

往往共解頤拜手再進酒歡笑樂無涯既醉復何獻日獻南山詩

惟願與吾母千歲常相依

別松江徐安士表弟

爾姑我之母與爾甥舅親交誼况不薄意氣同一身祇以鄉縣殊

會面常艱辛昔我來雲間相於情性真嘉肴充鱸膾酌酒悲參辰

賓朋齊入坐結交良有因賦詩相娛樂懷抱各自申今爾來毘陵

余臥江水濱獻書遭棄置此意難具陳去促會又遙涕下沾衣巾

述懷

甲辰春出都作

咄嗟夫椒子矢念何太拙致君祈堯舜許身比舉契攢眉小時輩  
舉眼若蟣蝨曩者十二三襟期便超豁名姓冀千秋恥與庸眾沒  
賦詩尊李杜結客擬膠漆縱觀山水間之燕復走越二十貢帝  
鄉長安名頗熱南宮會上書所言差過激以此不見收三年淹歲  
月此身逢 聖君何忍即永訣況今重方略 當正側席 詔  
罷帖括辭三試一已缺聞此戒征途一往氣無奪鵬鳥翔垓塹鯨  
鯢翻溟渤十月抵都門不敢事干謁時事頻旰食朝政亦洞悉獻  
諛誰不知豈有易吾節指陳一二事忌諱勿違恤 陛下方冲齡  
書史自應涉滿漢異文辭政令難畫一科臣請經筵反于 旨未  
合予首激切陳冀允黃門說刑罰責平允輕重詎宜失今日諸法  
曹欲出無寧入一青罹大獄雖耻不可活輕亦徒上陽萬里去鄉  
邑近日開贖工一人須萬鎰富者得生還貧者仍如昔卓哉龍蟠  
地何使罪人泣更苦籍沒條株連累千百妻子散諸旗舍羞喪名

節勢家與大族其禍更慘烈千金令贖妻百金令贖妾不爾箠楚  
加傭奴成好匹顧此傷我心矜全豈無術人才國之寶爵位胡可  
竊眼前車馬流半難揆所出昨又廣銓途吏胥考上職曰渠精律  
算書生罕與敵初命佐縣州超擢踰常格 詔書再三下加意真  
靡極復有田橫徒來歸便加秩大則王與侯小則藩與臬印綬何  
纍纍真偽那從必文即俾牧民武仍令執戟執戟猶可為誰知民  
苦疾立賢信無方名器古勿褻士子誠足憐窮年苦矻矻幸成蝸  
角名十年無品級白首微祿需考成法又密最重是催科教養何  
暇及一錢輒註誤麾去不煖席何如若輩人朝發夕已得何如若  
輩人固比金與石昨歲課秋糧江南遭大厄籽粒土鞭褫釐毫官  
罷斥一萬四千人中豈無冤抑玉石竟不分叩閭亦無益近有雲  
間人抗言 天子側祇欲雪此冤立論忘奇特 帝曰憫女狂薄  
令鞭四十禁網非不寬成案奈如鐵況今帑藏空加派方未歇蠲  
租難復行民力姑誰竭執事官司農應思久長策民窮國不富源

枯流易絕藏富于民間千古道不易適聞荆楚閒西山寒凍裂羣  
醜本么麼禁旅紛紛發萬騎追風馳千里陰雲結郡縣運兵糧斛  
米一金羅萬錢雇一夫奔走崖谷滑去者不復歸死者相摩夏勞  
民復傷財寧息靡有日天下已蕩平何爭此截辟不如暫罷兵乘  
機行開謀歸命會有期疾癘何足念又聞大海濱戰鬪民股慄  
朝議允大臣遷徙萬家室田棄無由耕屋毀何從覓兩浙皆悲號  
三吳盡嗚咽海魚禁勿罟生計遂蕩析果林荒勿鋤踰淮亦無橋  
青斷海上煙白積海上骨安插有明綸奉行誰竭蹶又聞八旗人  
冬夏賜衣葛今年澤更隆救加粟與帛受者各言恩誰思貢獻  
物帛是紅女成粟是農夫力當其未貢時鞭撻日流血天下凍餓  
人豈止在京闕數者動予愁五策淋漓述浩蕩盼天恩哀鳴望改  
轍主者初得之冑首共節擊目為痛哭書擬令庭檻折云作第一  
人餘者勿可越既而展轉思其言得無直不免未避嫌過當求言  
渴諸公曰亞之主者曰可惜奈何冠一軍黜落竟倉卒自顧失業

徒何如戍邊卒早歲執戈矛猶得立功伐胡為頭上巾令人日騷  
肩往復長路閒六載如一夕昨出春明門今到張華宅風景固不  
殊裘馬更蕭瑟擗管為此歌淚下那可拭時行至蘆溝橋相傳地故有張華宅  
冬至夜客居偶用謝宣城韻二首

令序悲玄冬今夕已何夕酌此清尊酒傷哉遠遊客葭灰虛候管  
霜月窺檐隙馳驅倦徂兩早暮艱暄席似此苦疲蹇鷓鴣聊用籍

何時稅歸鞅言餐故山柏  
昔我出門時空闔搗衣急倏驚霰雪飛延仁空階立燈明一室虛  
夢覺千憂入心如懸旆搖淚湧寒衾溼儻不乘興歸歲暮嗟何及  
途遇鄉人入都有贈

浮萍生水際日夕東西飄轉蓬離本根倏忽隨驚飈人生一世閒  
聚散思鬱陶結髮事交遊與子矜久要不數金與石何況漆與膠  
自此蒙眷戀黽勉非一朝豈期遭擯斥長謝歸蓬蒿魚目亦已貴  
秦珠自見嘲珉石既勿疑荆璞甘自操棄置何足陳相顧中心切

願子崇令名前路方迢迢下車立斯須別促會苦遙申紙復何言  
涕淚如江湖

春暮用王寧朔寒晚韻

禽鳥暮知歸梧桐秋應律如何行路人言旋靡有日雞鳴稅征鞅  
景玄棲蓬葦客思鬱金疊離情動玉瑟水汨山照紅花送春華疾  
言念北山薇願作東皋逸徘徊岐路傍登車攬歸轡

登龍沙寺西閣贈介上人同琅霞文友

清旦出城闈散步諧夙好澗汨水河沿森鬱樹聳峭曲徑杳深沈  
鳴禽紛叫嘯非徒恣周覽所期得要妙振衣入靈鷲高閣俯雲嶠  
心迹兼曠朗遐邇殊照曜左瞻翠華路右睽披裘道晚晚日西馳  
榮瘁俱堪悼累累北邙山哀猿鳴數噉脊彼撫墳人異日嗟同調  
愜理息營魂念古澹淵抱脆促非所悲達生亮宜劭延心向祇洹  
庶幾析玄照

雜興

...

南國有珍鳥其名曰鳳凰羽毛振異彩飛鳴叶清商睇瞻闔闔閒  
延伫復翺翔棲彼梧桐枝修竹交輝光本謂應時出禍患非所防  
孰謂饑鷹呼相伺南山岡摩空奮擊逐憂思結中腸下俯百尺淵  
流水清且長垂翅臨澗濱四顧獨徬徨吁嗟雲霄姿辛苦泥路旁  
偶成

白鶴摩霄飛恥與羣鳥伍梧桐生高岡凡卉何足數所以達觀者  
曠懷在千古悠悠行路人踟躕胡太苦行將謝塵鞅長嘯山之澗

寓報國寺

屢遊報國寺未嘗一止宿今我長安來始得快所欲花明方丈燈  
雪覆招提屋盤松天下聞斷碣前朝躅每歲月逢五珍玩無不足  
貴者金與珠細亦花與竹冠蓋絡繹遊車騎紛相屬先皇禁漸  
弛遺詔誰還讀世祖會禁諸臣勿入有客到中宵往往自歌哭囊中贖數金  
買米亦不足非無素心人懷刺媿齷齪昨者逢二三寒暄不我告  
好者言相思其中亦局促吁嗟天地閒奔走徒碌碌不如向酒壚

長醉此醞醪

癸丑元旦述懷

男兒生不偶弱齡具遠志教育賴雙親所期非一事賦質雖魯鈍讀書知礪砥七歲入小學灑掃漸成禮八歲九歲時經書能熟理十三應童試郡縣各優取忝舉博士員時年纔十四是年正科舉努力秋闈試雖未中程式三試頗快意辛卯迄甲午兩科又落第丁酉中副車明經數特異廷對赴京華太學詔勤肄期年卽授官別駕有明例次亦爲縣令州佐皆不與一時眾親串相顧顏色喜舉手悉加額車馬盈燕邸再拜告親串某尚富年齒人讀聖賢書豈可輕棄置身不列科目何以爲人子我父官樞曹聞之呼立待國恩不易邀汝勿外明賜然汝有本懷拭眼吾望汝半載客都門幸獲奉甘旨父今齒漸高積勞司馬署受病在鼻鼾早晚醫藥倚山陰吳震公獨擅岐黃技子爲提藥囊往往向長跪一日接家書母也時不寐有子遠行役倚閭歷寒暑長孫忽痘天悲來

落雙淚以此情愈傷叮嚀望歸轡父白大司成暫假還鄉里急欲慰母心側促戒行李一騎到津門扁舟渡易水十月抵家園母曰嗟子季轉瞬閱星躔年又當大比庚子春王月遂復執鞭弭予家本貧窶長安憂乞米責負向中州謂足脂車矣不道相棄捐人情薄如紙夙昔號宗盟心術同蛇虺阮籍途已窮徬徨對河汜天意憐孤客道逢賢刺史車騎滯開封推解誼靡已瀕行割廉俸唱和詩累累刺史曰陳生與君交自此何必故舊人憐才宜若爾從茲得長往欣看春事美大河南與北故蹟盈前是梁園鄴苑閒猶賸殘碑記經過必摩挲詩篇千百計豪興素無敵楮筆繫馬尾買醉不論錢時常臥酒肆人都春已闌覲省樂難擬親擢小司寇部務益繁熾有兒欲分勞中夜頻臥起寄迹黃金臺誦讀限時晷帖括不永傳豈足明經義窮年日孜孜翻以困才士竟得舉孝廉微名滿燕市二月試南宮掩蹇歎垂翅制科忽變更策論重時藝三年揣摩成對策越羣議誰知過激烈主者嚴忌諱已得旋復失行路

每長喟自此倍攻苦小心彌惴惴北闕三上書初志方獲慰登第  
立授職翰林名最貴往例試文章或者循榜次今也殊不然立談  
在投契跌坐兩巨公信極人臣位指麾妍與嗤兩行分士類好者  
被殊恩拍肩且曳袂予時與斯選俯首不敢視得之固有命嗟余  
豈人瑞拂袖出國門此中亦無恙但恨罪孽深遽遭先人背先人  
客梁溪旅況悵憔悴患痔非痼疾調治亦容易庸醫太執方屢進  
寒涼劑飲食漸不甘究乃傷脾胃衰哉朔雪時支持將卒歲扶病  
戒歸舟中宵忽辭世痛絕百里途躡踊向江介泣血三載餘廬墓  
終守制吁嗟我嚴父宦迹艱辛備矢公矢勤慎清白誠求伎十年  
不得調長安一枝寄賃無日輸金緩急時所忌以此歎屢空逋負  
如山積瀾滄一敕備兵嚴譴忽然至時方遇奏銷縉紳厄于吏半  
粟土鞭笞一錢官委棄荆溪與澄江兩縣住親懿邑人信有灾居  
然代罪戾叩閭既不可默受亦非智鬱鬱牀第閒呻吟豈無謂風  
木實堪悲年華去若駛往事一追思潛焉恆出涕昨夜獻椒盤萱

親日頻睽堂中少一人恰似靈光歸親懷且自寬孝養兒真愧捧  
檄尚無期仕路生慷慨有弟喜能文立志審進退屢試雖不售詎  
老諸生輩大孫善讀書迥常兒態餘亦露頭角幼者纔一晬親  
顧色應愉所傷別有在薄田二頃餘不足其賦稅焉望晨昏炊交  
謫徧中饋彈鋏知無益出門生懊悔且有平生交不得一晤對食  
指日以繁生計日以昧陶情兼適性聊寄詩書內古人與居稽韋  
弦還用佩好作詩古文直欲追前代詎止漢唐間六經吾所愛子  
既苦其荒史復恨其穢詩學杜少陵史法龍門派新築學文堂朝  
夕自擁篲梅花植數株老幹甚奇怪累石以爲山鑿水亦澎湃中  
設古典墳相投若針芥賓朋來四方尊酒時相酌人呼窮孟嘗此  
語越闌闔錫山吳大令好客如不逮于我尤忘形餽遺良不細鄙  
哉鄉黨親古道已全壞升斗怒形色往叩門常閉是以吳公情感  
激鮮涯際通籍復家居已經過七載今例試中書袞袞饒氣槩第  
恐賞用難米珠薪復桂况予下走才敢望金門憩若作折腰令民



物正凋瘵錢糧與盜案考成法可畏轉輾方寸閒何以別涇渭不  
知大丈夫世道實關係盤根而錯節于世方有濟致君兼澤民釐  
奸必救弊直道本斯民美錦豈學製心事如青天一往絕機械任  
世呼馬牛隨人指管蒯我自用法我意亦灑灑試問今日令  
節忽又屆爆竹正盈耳萬象春與會擗管爲此詩朝雲飄飄襲  
吳伯成大令招飲聽梧軒同余澹心爰山夫秦雷仙稔畱山卽席

限韻十首

秋光去何所昔昔復堂堂飛鴈遠嘹唳列宿垂芳塘林木雖漸稀  
籬菊叢且黃對此放志意珍膳溢圓方明月長在斯嘉會不可忘  
官廨高樓望山容若可圖圖畫良不易萃律背明湖湖邊起漁唱  
小舟銜荻蘆借問此何人毋乃巢許徒君其賦招隱同此醉屠蘇  
山泉出河澣遠水動波瀾浮圖聳天際反作澗底看潛魚躍其中  
真覺天地寬罟網禁勿施遂彼終古歡木葉正微脫金風入夜寒  
名山若有待坡陀結亭榭經營見苦心氣勢得憑藉老樹鬱參差

白石俯上下軒櫺發流焱盈疇激穉稷邀賓持叵羅往往徹良夜

惠山新構  
積翠閣

梧桐翠莫如軒墀蔭未歇屋宇本無多位置自超越人生若朝露  
難比金與石苟不自怡愉惜哉生太息達人吾所欽優游忘歲月

聽梧軒在署內  
亦大令新建

萬木霜未飽丹黃乍著楓時序有代謝結交貴永終人生天地閒  
蹤迹苦不同把酒持巨螯嘯歌林麓中昔者淳于髡滅此蠟炬紅  
雄談過午夜形忘每接膝榮華難久持君子重疇昔嗟子遠遨遊  
大江行欲涉良會天所靳豈不悲離別陳思歎浮萍况乃似飄葉  
明公有深嗜相於久不厭近世薄交遊志士足恆斂好者言相知  
轉眼異欣羨譬彼槿木華不過浮朝豔寄松有女蘿千載長依戀  
升沈有殊軌蹉跌亦何心達人垂大觀悠悠成古今鴟梟鳴路隅  
蒼蠅復招尋物類各成偶好鳥翔喬林嗟彼蠹何知莫測海水深  
被時伯成議

弘農賦遊仙八荒恣周流子建亦曠士猶為百歲憂松喬豈吾欺  
適意卽彼傳鄙哉張平子胡為工四愁宋玉一何愚側促時悲秋  
乘風曉過嘉興思登煙雨樓不得悵然有作

毘陵越樵李道里五百餘緬懷煙雨樓時欲拏舟趨今我之東甌  
過此意可舒拂袖倍踴躍詩句先躊躇夜宿長虹橋曉發雞鳴初  
輕帆進何疾西風偏我驅披衣急起視已渡城南隅舟子亦何知  
我意難青渠回首一長望但見由拳墟城中有故人亦未致區區  
世事難預計何論智與愚交臂反相失今古同歛歔

七言古

湖州天聖寺壁管夫人畫竹歌

中閒五竿勢拂雲龍姿天矯顏色新枝節瘦硬密葉勻雲林與可  
真其倫右邊數竿臨水濱奇石位置高嶙峋小者數寸長過人左  
邊零亂勢不分不可細數皆有神其餘點綴妙入情青苔細草各  
向榮夫人夫人垂大名至今壁上猶如生

趙子昂畫壁歌

古人丹青愛入髓興來不擇紙與絹壁閒往往一揮毫千秋百祀  
蒙天眷子昂真迹世已稀吳興寺中偶一見左壁勢蕭疏右壁光  
零亂悄然坐我萬壑間倏然颯颯風雨變耳中恍惚猿鼯唬長松  
慘裂虬龍幹松邊細碎不知數縱橫瀑布飄文練漁兒繫船踏波  
立矯首山閒古臺殿兩壁氣勢將毋同其中變化渾相判四顧低  
昂見苦心咫尺應同萬里看

泰山出雲歌

中宵策馬去若箭山縣經過不相見歷歷唬烏促曙光蒼茫一徑  
開如綫須臾山影橫空出雲氣千層萬層疊乍看出沒傍晴巒忽  
疑飛動崩危石南崖北嶺耽疑望詭渾如蒼狗狀將舒復卷態  
悠悠蒼天恍落青山上青帝祠前玉女盆秦臺越觀臨天門髣髴  
雪晴開霽色紛紜霧散迷朝昏此時山靈應叫呼金支翠旗光模  
糊龍蛇趨走蹁蹁落舉眼乾坤尚有無咫尺真愁變雷雨溪泉漲

溢琉璃水水雞怒飛蒼兕吼倒峽黃沙蔽天徙倏忽朝曦上海滯  
諸峰漸復鬢與眉動影沖融更窮曩散被空林碧樹枝空林碧樹  
霜難足初霞閃映飄颻速黃帽青鞵看不窮東西去住何恩促吁  
嗟人生正類之祁寒暑雨類驅馳逆知富貴皆如此微名苦被成  
羈縻君不見漢皇東狩相如賦當年作事原非誤又不見秦皇巡  
幸起雄圖松下曾封五大夫至今功業荒碑記只有浮雲嘗徒倚  
徂徠山歌  
朝望徂徠巔暮過徂徠足徂徠曉氣雲瀾漫徂徠晚色青如沐徂  
徠山下湯湯水萬頃琉璃清且泚殘霞雜樹倒波光髣髴青山圖  
畫裏往來自笑嘗恩恩未能蠟屐臨高峰相看不厭猶如此遙想  
登臨更不同登臨俯仰知何日豈獨徂徠對相失一年三過岱宗  
倚天門日觀空稱說惆悵時成數首詩矯首山靈知未知終當高  
詠秦松下乘興徂徠慰所思  
憶吳江趙生絃索

憶昔承平三月中三吳絃管羅春風華堂綺席鬪嬌麗更衣促坐  
商玲瓏嬌歌麗舞豔春日六尺氍毹行不得美人拂袖香塵飛雙  
敲玉盃珊瑚缺繁華欲歇春光闌春光黯黯湘簾寒斯時趙生嘿  
不語垂肩按拍一再彈一彈再彈音韻入曼歌緩調稱雙絕李王  
一曲念家山南朝弟子心腸絕乍停復激十指愁鈿蟬柱鴈相吟  
嘆疑是邊城蘆葉下雛姬歲歲彈箜篌欲終未終聲轉急月光滿  
院烏嗁歇曲繁絃促聲韻悲四座疑神更嗚咽燈下相逢已十年  
吳江城郭迷烽煙不知此技爲誰盡莫是空林嗁杜鵑  
滕王閣 贈漕撫蔡公  
滕王高閣千餘載畫棟雕甍埋箭壘北渚離宮帝子荒東京綵筆  
詞人在我公建節豫章城搏皖萬象迴鴻鈞霜冷青驄宣帳令月  
明白象靖邊聲大脯賜晏歌豐鎬重覩危樓飛繡纛帳下偏容謝  
朧狂軍中誰說元規老只今淮海仗樓船鵲印平臨江水懸懷才  
未作靈光賦慕德還陳劔閣篇

贈郭學博

邗溝三月鶯聲轉萬戶千門動歌扇璧月斜窺蕭統樓柳花亂落  
江都縣此時遊冶最難忘此日詞人吐鳳凰種罷廣陵紅菡萏燒  
殘大業紫鴛鴦先生彩筆搖星斗才名豈在徐庾後春宮已看杏  
園花秋風便飲蘭陵酒蘭陵博士紅錦袍談經說禮如波濤夜擁  
皋比金穗卷曉褰絳帳曙鐘高下座讀書慚強記講堂幸託青雲  
契別舍生徒聽伎歌玄亭載酒勑奇字石渠虎觀玉連錢聖人方  
詠凌雲篇下走豈能歌赤鴈先生還擬賦甘泉

小虎詞效樂天體

有引

小虎者里中顧秀才女也秀才落拓不顧家流寓他所小虎年  
十二被賣于季刑部家作婢刑部未知所由來以從嫁董文初  
後祠部巢君悉其事于董遂擇嫁于王秀才董母吳夫人親為  
笄髻行禮送之恐人以婢子故輕之也無何王秀才死轉為村  
里人妻其事無可取者然自悼命薄猶時時念主人恩曰不如

長作董家婢文友曾為子言之因傷其遇憐其情作小虎詞

昨夜月明今夜雨階前總聽寒蛩語每愁飄泊念生平小虎如今  
已如許董生當日射屏風百兩來時小虎從絲髮剪齊初覆額人  
言初日照芙蓉澡豆盥來常掬月衣香薰就不當風澀澀羞隨諸  
女伴避人常倚朱欄畔阮成那得求人種王珉未敢投團扇每見  
廚娘竊竊言小虎含愁復含怨含怨含愁問不言只言弱病常多  
倦嬌小偏令主母憐不教辛苦五梳連一日董生曾召客祠部巢  
君起膝席為言小虎本名家老生亦有葭葦戚董生聽罷忽傷神  
為惜飛花最感人辭卻故枝成片片任飄溷廁任風塵方知小虎  
年來意含怨含愁自有因吁嗟因向高堂說小虎聞知背人立喚  
來燈下頻問取目光瑩瑩衣袖溼自言小虎本名家與巢果有葭  
葦戚阿父支離不顧家阿母艱難愁度日晨昏針線每相依乞火  
鄰家數米粒相依誰道更相捐白髮未生中道失有兄落拓爨無  
煙往來樗蒲惡少年一朝負博十萬錢將儂插賣誠可憐訴罷舉

家紛欲泣尤教董母填胸臆便呼令子問良媒孝廉劉生爲作合  
云有王生二十餘生長名家頗讀書若教舉案應相得卽望泥金  
定不虛從此銅輿花下送鄭重相看初跨鳳董母呼來爲上頭承  
恩覺得簪笄重此去相期守白頭此行但願長無愁誰道王生亦  
薄命新得佳人身便隕春采藻蕪秋采蒲小虎淒涼哭故夫縫成  
羅襪無由寄撫罷鸞膠恨已孤金石心堅一旦誤去帷新寡空思  
故自傷飄泊每聲吞夢中偏憶舊未門燕謝雕梁巢野樹呢喃猶  
說主人恩誰何昨日負薪至小虎傳言媿無地薄命休憐賤妾身  
深期卻負夫人意不加作婢侍華堂敝履猶存儻無棄小虎小虎  
爾何知爾今失計悔已遲莫恨才人歸廝養莫羨文姬歸董祀晉  
后猶稱劉曜夫魏妃乃作孫騰妓爾今嫁作傭保妻猶然末路糟  
糠計紅顏枉自傷青春人生有命莫含顰古來英雄當日暮飄零  
失路難具陳李陵去漢嗟奄忽王粲依劉殊苦辛潦倒才人如未  
死此身知道屬何人

賣解歌

有引

賣解者長安小兒走馬角技以相樂也往來衝突如神龍天馬  
莫可名狀余觀而奇之因爲歌

長安小兒氣如虎走馬街頭渾脫舞一騎奔突東復西追風逐電  
何足數須臾復有一騎出青絲絡頭態峭崿腕促蹶高汗血流似  
與小兒心膽一忽然兩馬並轡馳前後進退俱相率小兒頂上置  
翠盤齒嚙曲箸敲成節紅繡刺胸錦纏頭疾于雲鳥雙飛翼復有  
一騎坐兩人兩人位置各有神有時背作袒臂舞有時對歌燕市  
行最後小兒拍手笑大呼此技豈云妙拈鞦一躍五花驄兩足向  
天身手倒左手執羯鼓右手披色組翻身落馬持馬足馬足騰空  
身置腹觀者如雲都叫號諸兒罕敵汝尤高爲語小兒慎愛惜從  
來駿足原難得君不見黃金臺昔日昭王安在哉又不見冀北野  
只是誰是空羣者小兒小兒須努力下馬與汝傾一石  
白溝行

白溝春色何芳菲  
緋桃碧柳牽人衣  
沙際水雞銜魚舞  
天上白雲倒峽飛  
昔聞宋遼此分界  
南北旌旗夜合圍  
又聞有明靖難師  
數十萬人還者稀  
白溝從古作戰場  
白溝經過人斷腸

登君山

山有春申君墓

性癖耽山水  
不畏寒與暑  
今我登君山  
揮汗一延伫  
孤城西北起  
高雲日落山頭戍  
鼓聞今人不識古人面  
不知果有春申君  
君不見一坏之土  
年歲久青燐  
晶晶狐兔走

綺山

距江陰南郭二十里

他山見山稀  
見樹不見山  
舟中無日無山看  
此山倍喜相追攀  
松楸梧檟亦無數  
青陰合沓蔽邨塢  
未許日光一到地  
時與雲氣相盤互  
誰家墳墓府深谷  
哀猿晝唳鬼夜哭  
男兒生逢山水鄉  
沒而葬此事亦足君  
不見古人痛飲判形骸  
荷鋤一死即便埋

過秦望山

相傳始皇登此山因名

我昨江中望此山  
此山恰與大江對  
我今舟中過此山  
此山恰與大江背  
恨不登山看大江  
回指孤帆在渺茫  
雷雨簸岸波濤立  
恍惚魚龍怒鬣張  
此山自昔稱秦望  
始皇東巡勢何壯  
毋為歎息歲華流  
歛使英雄氣凋喪

梁氏園觀女劇歌  
即席同沈康臣顏修來汪蛟門諸同年賦

曲江飛絮東風老  
綺筵初訂齊年好  
碧溶溶  
落落數落花  
畫橋隱隱嬌嗔烏  
憶昔同遊更幾人  
辛丑公車十人九人公議  
託軀曾醉鳳城春  
此時詩句紛相屬  
激昂意氣如有神  
無何落拓歸鄉縣  
故人冠蓋青雲畔

只今重上賈生書  
又到梁園看飛鴈  
梁園飛鴈自依然  
袞袞賓朋盡少年  
高會儼如曹子建  
當歌不讓李青蓮  
朱闌碧檻垂芳樹  
十年細認傷心處  
一斛珍珠瀉玉尊  
雙行綺翠圍銀炬  
桃葉低徊舞柘枝  
曲中休數鄭都知  
可憐荔浦紅妝女  
能唱蘇臺白苧詞  
舞衫錦剪葡萄碧  
瑤箏板按紅牙拍  
雪面雲鬢共十歡  
金戈鐵馬誰爭惜  
休認青衣是主謳  
宵將調笑賺風流  
大家舉止依然在  
腸斷榕

城十二樓繁絃脆管娛清醮慈恩寺裏題名徧勝事教輸復分錢  
舊遊還作春闈宴歌舞聲中玉漏傳曉烏曉破綠楊煙來朝策馬  
金門外回首芳園意惘然

贈同年申檢討隨叔

黃巾火照甘泉徹昭邱松檟春蕭瑟養士誰堅食祿心報恩獨重  
捐軀節我我太僕人中龍舍生取義何從容聖朝痛惜孤忠查典  
禮褒崇詔秩宗杜家中弟平原後荆山有璞邯鄲剖獻賦長楊紫  
兔毫讀書中祕銀青綬嗟予牢落老江城他日賢書並策名愛倚  
冰壺論贈縞慚依玉樹共班荆計偕昨歲扶風道曳裾曾執朱門  
掃杜陵意氣二難多北地詩才三輔少接離倒著習家池絳蠟瑤  
箏泛玉卮萬頃波光寒碧裏一行樹色夕陽時恩恩別向金臺去  
登龍乍見迴蓮炬碧盃分管內賜羹錦箋寫寄相思句短褐初憐  
謁紫宸微才那得傍清塵玉堂春晝聞鶯處憶否梁園會裏人

南武山歌

南武山上浮雲白南武山下長松碧長松天矯如遊龍時與雲氣  
相呼吸我來策馬山之中山花山鳥佳氣濃下馬奮足登高峰十  
步五步山不同便思結屋山之左一日一遊千日臥朝采黃精夕  
采苓人生豈復憂窮餓我今長嘯南山頭萬壑奔走松啾啾鄉里  
齷齪增煩憂不如長謝來遊遊驂駕白鹿騎青牛

高唐行

高唐城下驅車走歲云暮矣心如疾傳聞當日有絛駒歌聲掩抑  
傾齊右欲聞此歌歌已歇老農夜語淚橫臆自從道路多豺虎青  
齊千里俱成赤今年菽麥收籽粒縣官索租日又急筋疲力盡骨  
髓枯耶孃妻子相向泣君來且勿問絛駒試聽哀鴻無數鳴中澤  
河閒道中偶成七歌

有客有客陳叔子十五學詩長讀史二十過頭名未成兩人長安  
心不死一語不合不避嫌尚書怒斥丞相喜嗚呼一歌兮歌始悲  
窮途四顧聽者誰

有叔有叔名士益患難以來家壁立縣官索租不論田一萬四千  
逋名入入門妻子相顧哀出門妻子相顧泣嗚呼二歌兮歌漸長  
兩人矢志何蒼涼

大兄夭折小弟幼父母望予心獨厚去年十月離故鄉三千里外  
狂趨走早知此行遭蹭蹬胡爲重使親心疚嗚呼三歌兮歌欲半  
仰天大叫淚瀟漫

有妹有妹行二五小妹不樂大妹苦小妹猶得嫁比鄰大妹經年  
住江許兩妹良人善讀書困窮皆與而兄伍嗚呼四歌兮歌未歇  
父母聞之淚橫臆

河閒城外飛沙急河閒城上旌旗列河閒豺虎方縱橫百里無人  
煙斷絕我行竟日餓欲死肥肉大酒買不得嗚呼五歌兮歌正放  
童僕顧我顏色喪

囊有琴兮匣有劍東西南北追隨徧有琴不鼓胡爲哉煩憂恐令  
宮商變匣中飲渴時龍吟十年磨刮光如電嗚呼六歌兮歌長嘯

明月無光夜猿叫

丈夫既不富貴又不死胡爲蹉跌長如此蛟龍蟄伏狐兔奔秦珠  
見疑魚目市不如手挽十斛弓不爾種瓜青門裏嗚呼七歌兮歌

已亂此身何日歸鄉縣

太白樓對雪歌

有引

癸丑仲冬公車至濟寧遇大雪竟日王工部蘭陔先生招飲任  
城太白酒樓因命作歌以記之

千里北風吹愈急濟寧城邊雪盈尺陳生昨日江南來夜擁寒衾  
冷如鐵蘭陔先生余父行招我任城酒十石謂言男兒作客酒須  
醉不爾細事便填臆余聞此言呼酒勿暫休詞源倒入金波流停  
杯忽覺心欲訴三年飛霰皆行路昔者燕都偪歲除素鱗白葉紛  
紛墮易水波凝玉樹飄昭臺風捲銀濤怒此時忽遇 先皇變大  
官小官趨內殿素者爲冠白者褐仰視鳳樓俱一色前年曾作陽  
羨遊鶴舞氍毹骨凍折大河百里冰如虬千人鑿之開不得時與



其年正賦詩其年家兄字也至今詩句猶堪憶去年復入秦淮中江頭麩  
麩更不窮嗟峨浩蕩一望空千山萬山顏色同只今屈指三年過  
又到任城城上坐先生先生坐上頭恍然欲接千載遊君不見李  
侯賀監昔日登此樓

君不見與楊生

君不見道傍綠水池百畝灌溉皆藉之又不見原上枯死樹斲者  
勿遺根與枝何況江湖不竭流何況世閒梁棟資丈夫事業有如  
此委瑣齷齪非男兒

孫處士歌送無言歸黃山在畢載積刺史席閒同諸子賦

處士家住黃山東著書自號黃山翁處士老作揚州客移家喜近

揚州北我兄其年爾之友每語君名不置口賦詩欲罄千百言飲

酒每傾十數斗揚州司李王阮亭詩餘汗漫成千首眼底誰人敢

竝肩彭鄒二子稱能手彭孫通鄒祗謨處士本是困窮人性耽佳句如瓊

玖百金之產立破盡警校三家垂不朽無言變產刻三子詞我今彈鋏廣陵

城適遇畢公夜置酒畢公置酒古邗溝斯時處士坐上頭坦衷樸

貌足千古青衫布襪橫九秋畢公好客客滿座一時袞袞皆名流

茂之先生八十餘林古度攢眉曳杖歌四愁杜陵老叟大名熱秦

淮畫師筆勢道賢程生居生才竝絕程遠呂酒酣往往彈箏篴復

有崇川劉孝廉劉之勃下第落拓來燕幽我亦獻書遭擯斥相逢促

膝涕不收畢公之客信豪傑況有處士慰疇昔處士處士慎勿憂

才人從古多蕭瑟我聞黃山嶺上有神仙宅君今從此去浩蕩離

塵繼左拍洪崖肩右與浮邱揖俯視世閒輕薄兒紛紛何足勞相

憶君不見隋皇堤上數行柳麩麩欲折堪憐否相逢有酒醉莫辭

男兒別淚彈何有

定陶行

定陶城上月如水云是唐堯舊宮址碧瓦朱甍埋草閒古碣豐碑  
迷戰壘城右曹山左戚村曹叔會封戚姬死山頭古木日蕭蕭邨  
墟冷落石馬高世閒過眼皆陳迹何必上古追迢遙誰者千秋長

在此君不見定陶城上月如水  
高瀆湖買魚歌

客中風景無日無昨日泛汎今泛湖已看汎水飄文練復見湖光  
亂野鳧兩地相踰三百里風利不覺兼程途湖外山巒望非一湖  
中漁艇紛紜出大船撥網聲如雷小船撐突攔湖截更有邨人家  
近湖織竹為梁傍湖側無數漁郎各挺叉皮肉凍皺波頭立此間  
無人不捕魚捕魚之法隨人習每逢客過便招搖得錢寧計魚相  
直我急呼童去買魚漁人出魚難具識饕子擎來入河洗磨刀刮  
魚魚不死細剝無聲似雪飛須臾筋落雙柁裏昨夜家中攜舊醅  
不須沽向邨中市持魚把酒大佳哉人生樂事無踰此向晚中流  
月光動野寺鐘聲遞相送馮夷擊鼓鼓有神魚龍負船船覺重日  
令醉飽好山邊客囊那惜青銅錢宜興有東西沈即荆溪也  
家藏董字歌  
學書不懸腕與肘古人書法今何有學書不兼諸種帖縱成一家

難傑出有明一代能者誰雲閒董公稱第一董公得名幾百年生  
前沒後俱同轍圓如萬斛珠動如千鈞鐵秀如春山杏靄木向榮  
健如塞馬奔騰汗流血何人不道董公好何人能辨董公蹟董公  
往往言臨摹不求其似方超脫衣冠優孟總書奴翻使精靈從此  
失所以董公書法無端家細求皆與前大合我家收藏數十種喪  
亂以後遭散軼邇來檢點篋笥計其卷冊猶存七一者尚書迦  
釋文灑灑洋洋紙十尺格法全宗王右軍久經鈎勒明因石明因寺名  
復有素綾光熒熒前做平原後凝式中閒黃李各奔命庭堅北海  
翻難及其餘五卷皆草書伯仲之間帝與軾要之變化各有神未  
嘗可以尚家測余生也晚不見公得公隻字同球璧學書不成心  
內傷官與世人同汨沒興來日費紙百張臂懸那顧骨欲折安得  
起公耳提面命之北面再拜吾稱師

琴魚歌

宣州近湖多藪澤無處無魚賣城邑獨有琴溪一水閒每年產魚

只一日此日何日三月三忽爾溪中萬魚集天然不及徑寸長  
尾無鱗更無骨傳聞昔日琴高仙攜琴一鼓羣魚出因此琴魚遂  
得名漁郎歲一來其側我到宜州冬漸殘山人酌我琴溪灘指點  
仙人動操處袖中還出琴魚看不須授向饗人手細嚼真堪佐杯  
酒回思游泳在溪時尚有仙人鼓琴否

短歌和王西樵吏部題壁

茅屋破漏雨不止土鏗冷落垣平圯敝裘百結冷如鐵唇焦口燥  
饑欲死忽然狂叫發興奇題詩空壁心含悲先生有歌子和之眼  
底和子知復誰

沈石田畫江南春色圖歌天津舟中為曹峨嶠作

明朝畫師指難屈嘉隆之間誰第一布衣沈翁家姑蘇人工巧進  
天才軟布衣自是江南人年年就玩江南春江南春色佳無限興  
酣每欲羅煙雲鶯溪好絹長十尺布衣得之性情適五日一水十  
日山穠纖遠近成阡陌江南雲樹渺無際咫尺偏能工遠勢震湖

煙柳泖湖邨海波亦入毫端細峰巒歷落青如許風雨陰晴變寒  
暑古寺初開汗漫花疏籬斜壓蒼茫水獨有金陵舊國都布衣著  
意丹青圖畫樓隱隱秦淮渡芳草霏霏玄武湖畫樓芳草堪行樂  
淒風冷月成蕭索晉代銅駝已就荒陳家玉樹誰還作長江萬里  
金城下蒼波百丈明珠瀉隔岸揚州草樹微嗟乎天限南北也我  
觀此圖信希世鶴灘學士畱文記圖藏于錢鶴繡虎陳思更好奇  
萬方構得收藏祕只今攜取來長安珍重開筇旅思寬江南春色  
何由見猶喜頻從畫上看君不見夫椒峰外洞庭口有人布襪芒  
屨走陳生他日賦歸來補落編籬容我否

廢苑行有引

廢苑韓氏苑也金陵某氏女寓焉某故弘光宮人為人嘗話當  
年事如斷猿哀鴈嗚咽不勝因作歌以寫其意

閭門北角斜陽路微雨廉纖秋欲暮淒涼草樹蔓孤汀冷落煙雲  
飄古渡古渡茫茫戰馬嘶孤汀漠漠夜烏嘯疏籬一帶眠衰柳廢

苑誰家背畫溪偶挈良朋閒步履美酒如澠沽亦得狂餘欲賦步  
兵詩興酣重蠟東山屐紅窗忽聽短長吁似訴如愁思鬱紆依稀  
杜宇宵嗥血恍惚鮫宮夜泣珠有人爲話當年事美女如花夙承  
旨南朝天子擅風流北渡官僚尋兒戲國步艱難鼻欲酸及時行  
樂且加餐玉樹後庭歌欲再金縷提鞮事不難黃扉夜半中涓出  
詔選佳人向宮人相女端論吳狗功匿人欲問蕭何律此時有女  
住金陵生長深閨十五春桃葉渡頭桃葉妾莫愁湖畔莫愁人昭  
陽一旦承新寵霞觴親爲君王捧少婦前身本閩仙至尊今日爲  
情種萬歲千秋樂未央誰知翻覆只尋常黃河戰壘淒回眼玄武  
戈船欲斷腸流年如駛真堪惜向日歡娛彈指失玉殿無須痛黍  
離銅駝早已生荆棘西施誰欲罪亡吳一棹扁舟去五湖飛飛紫  
燕迷前壘嗷嗷征鴻泣故都只今僑寄姑蘇住矮屋疏籬邱壑趣  
草閣頻開繞砌花茅簷喜著漫天絮朝朝頂禮向空王天寶開元  
話可傷池塘不忍驚鷗宿廩粟偏能算鶴糧春花秋月年年換顰

眉每倚朱闌畔鳥夢難尋蜀帝魂星盟尚憶長生殿空房獨宿涕  
交頤懊惱何心粉澤施未拌一死酬天眷信忝餘生過歲時我聞  
此語頻長喟如卿且勿悲憔悴阿環香惜馬鬼銷虞姬玉帳烏江  
碎憐卿猶幸一身存贏得時時拭淚痕鬢眉當日知無數可似紅  
顏長閉門城頭戍鼓催歸去江淹賦別何恩遽回首煙邨紅板橋  
亂螢明滅銷魂處  
爲高少宰念東先生題文衡山溪山積雪圖同家搗謙賦  
誰能畫雪工畫樹疏枝密葉雲深處誰能畫雪工畫山煙嵐洞壑  
有無閒山邊樹底瀟瀟極點染微茫花與石有客應乘訪戴船不  
爾騎驢景亦得祗園迢遞板橋東日落蕭蕭度遠鐘溪邊已覺兼  
天白谷口翻驚半壁紅絕筆尤能作遠勢縱橫灑落空濛際晶如  
皎月凝江湖紛若浮雲散陰翳待詔當年擅大名流傳今日重公  
卿蒙陰先生好奇古開筵展卷適性情滿堂觀者動顏色置身恍  
惚寒威迫先生生命我作雪歌興酣欲擬梁園客君不見蒙陰山勢

畫圖入高樓隱隱傍城邑可容添寫掃門人披裘負笈衝寒立  
渡靖江放歌

浮山門乍閉蓉城背船去浮山門忽開驥沙迎船來中流擊楫放  
志意不數南朝祖士稚鄉里小儒安足爲跼天踏地成何事人生  
樂事君知否半在作歌半飲酒儻然不遇好山川酒亦不醉歌何  
有我今把酒向蒼江酒酣擊劍氣未降馮夷擊鼓驪龍翔大魚小  
魚鬣怒張咫尺雷雨來蒼涼倏忽白日無晶光滿船簸蕩失顏色  
我立船頭歌不歇浮山門開浮山舟人諺也

可歎

連年晞髮臥滄江爲農爲圃正徜徉誰道今年歲事苦較雨量晴  
亦可傷南山豆苗不得實連旬雨水且沒秧百計屛救農力疲江  
頭昨又來飛蝗田夫相向日嗷泣官逋迫心徬徨我家百口生  
計少賣文爲活事渺茫近聞淮揚千百里詔截漕糧萬肩米賑  
饑特遣大臣來還奉蠲租有明旨吁嗟江南亦赤子呼號豈爲

臣桑梓

胥江行

有引

歲惟辛亥時屆孟冬重爲茂苑之遊再艤胥江之楫追維往事  
率爾成篇

憶昔扁舟艤畫谿胥江景物正淒迷橫天雪舞如雲卷巨壑冰堅  
縱馬蹶一帶寒煙籠臥柳山川變態頻回首何曾道路越三千可  
奈風光逢四九一陣西風透體寒沈禁六出夜瀾漫堤畔恰迷青  
雀舫街頭都作白衣冠此時客夢愁難破金魚換酒罈頭過肅拜  
因經伍員祠長吁且向要離墓自笑平生放誕名詩篇狼籍滿吳  
城由來不減狂奴態誰料能關淑女情淑女翩然真足羨百花洲  
渚蘩蕪院歌詠會傳陌上桑姓名卻比昭陽燕衛孌書法本名家  
道韞才華實可誇蠻箋不媿題黃絹都講原應坐絳紗荀郎昔日  
傷心賦徵幸星眸珍重顧和曲翻工白雪詞巴人只遜紅牙句自  
此殷勤屬蹇修黃花開處月輪秋簫吹吳市經過慣春賃蘇臺汗

漫留羣玉山頭驚一見藥珠宮裏遊初徧庭前髣髴觀停雲堂後  
依稀聞響劍瑣窗幽折最玲瓏一一琴書位置工無數綠楊無數  
雨幾層簾子幾層風小婢扶持闌怯倚養孃喚處聲偏細細唾柔  
嘶隔畫屏可憐人在銷魂處香奩幅幅展烏絲玉筍纖纖染翰時  
避人略露相思影還句偏宜連理枝攜來焦尾溪邊弄冰絲縷縷  
芳音送莊子身如舞蝶狂相如心爲求凰動逢卿眞作一生拌笑  
嘯情境越梅酸遲徊繡閣三秋夢咫尺紅窗萬里看多情謬辱三  
生訂開函愧乏明珠贈製得雙雙九子釵鐫成小小綢繆印多卿  
遙寄鯉魚頻似泣如愁訴卻眞莫使空闈成怨女恐教薄幸屬文  
人誰知南北天涯路春雨秋風冬復暮深闈有恨不分明佳期欲  
赴渾擔誤從來好事悵多磨覆雨翻雲奈若何一枝幾被狂風折  
百幻誠如大海波幸有佳人心鐵石萬苦千辛朝與夕借箸曾煩  
張子房出奇還想陳曲逆儻來富貴孰翩翩作意驕人不論錢信  
有黃金能買笑慚無紅粉一生憐山塘何事鷓鷯寄策士如雲山

鬼技江寒枉發木蘭船日落空回驄馬轡誰掩柴扉柰葉邨淒然  
煙月澹黃昏吳姁莫便誇瑩女曹植毋煩賦洛神佳人從此夜深  
泣目斷江雲愁欲絕多時繡線總慵拈向日新歌都拉雜茫茫春  
恨渺無蹤春鳥春花春自濃閒對翠眉垂面面悶看屈戌閉重重  
嗟子不~~走~~離奇質相逢不道同膠漆歡笑恩情著意嘗癡頑福分  
甘心折今秋復此渡胥江有情佳節是重陽杯承合盞歡無限人  
效于飛樂未央紅闌水驛燒銀燭金獸香濃篆煙續襦邊的貫  
珊瑚髻上盈盈燦珠玉背燭偷將鄉里呼香風吹起撼流蘇綠階  
柳影搖衣帶碧水煙光入畫圖生成骨相神仙種嬌態欲顛釵頭  
鳳肩鞞無端薄怒生眉顰不覺關愁重人前斂掩只垂眸懶似蠶  
眠和柳柔一朵半薦花欲卸雙條殘照淚還流最是定情詩欲作  
親承檀口相酬醉詠得蓮花羨竝頭賦來鸚鵡成雙啄回思阿母  
忽心悲三年屈指痛蘭摧驀向總幃彈淚去爲言佳婿射屏來阿  
翁駟儉誠足鄙孔方爲兄若爲弟倏忽能裁貝錦成須臾欲變長

生誓百計圖維僅瓦全好憑俠士一周旋方知斷竹原能續始信  
寒灰尚可然朱提散盡翻堪喜兒女情深丈夫事佳話流傳到處  
人詩篇博贈知名士十月蘭橈虎阜開玉人攜袖共徘徊恍覺船  
如天上坐還疑人自夢中回連宵耽玩如句月月照晴巒煙突兀  
矮屋疏籬石罅藏繁紅小翠田畦得不厭相看此泊舟芳塘步履  
思悠悠山閒片石平如掌共與題詩在上頭若耶回顧溪何所懊  
惱珠樓夜空鎖梅花應發舊時香蟾影還如今夕吐思家脈脈向  
誰論憶起枇杷故里門可知客夢如闌夢偏指波浪作淚痕歸去  
媿無金屋貯詩詞贏得朝昏費褰幃何福得良朋劈箋每喜書奇  
字一卷縹緗署掃眉蠅頭妙楷擅風姿那輪昔日簪花格漫數前  
人幼婦碑無何市月輕離別撥棹始蘇寒又偪關河不改舊城闔  
草樹依然向風日遲留暮暮復朝朝休說元龍氣尚豪離情忍覺  
多如雨別夢應須信若潮門前垂柳原如昨近日東風差不惡杜  
鵑春去月蒼涼荳蔻風微香寂寞此時相對意難忘此際迴思欲

斷腸淒其客枕蒲帆雨冷落闌礎繡瓦霜倚檻無聊發長嘯更闌  
尚把金尊倒擲管微吟有所思冰輪恰遇孤蓬照

同友賦得寒衣處處催刀尺

九月九日猶未寒西風颯颯吹琅玕隔鄰何處砧聲急雙題汗溼  
裁齊紉買絲欲寄榆關客拍板彈箏王謝宅誰知擣盡塞垣衣忘

卻城南更城北

青州行

有引

林四娘者明故衡王妃也擅姿致能詩生時有寵于王無何以  
病死而王亦遽遭變故晉昌陳綠崖視臬青州夜闌時忽聽鼓  
樂聲從空中來俄見騶從擁一女郎至美而豔高髻宮衣腰懸  
金錯刀二婢左右俱指使須臾盛設杯酒歌舞于氍毹之上者  
皆十六七歲童子不異人間世綠崖令麾之不去挾弓矢射之  
不及撞鐘伐鼓如罔聞邀綠崖共飲不能卻駝峰麟脯錯落綺  
筵盡歡達旦而去明夜復至書齋再拜陳詞自言妾本金陵林

四孃向爲衡王妃語半淚簌簌下命取蠻箋濡毫賦詩句皆冷  
豔自是恆往來燕笑然卒不可犯二婢一名青兒一名東兒皆  
殊色一日復治酒與綠崖言別云將挈東兒訪道山中遂聯袂  
聳入雲端後青兒亦偶一來尋亦不至矣昔年王祠部向予曾  
道其事今王庶常復弁酒酣時詳述之因作歌

庭前小雨三更始有客酣歌眼垂淚青州遺事最關情欲言不言  
心驚悸青州夙昔駐藩王後宮行樂信無方館娃妙選亦難數第  
一金陵林四孃才容獨重君王顧莫說紅顏本朝露歌翻團扇欲  
生愁曲繞空梁渾不誤誰知中道成棄捐故宮回首淚如泉吁嗟  
世事真翻覆妾死君王亦可憐晉江陳君爲法吏忽聞天籟來空  
際須臾騶從集堂閒六尺氍毹歌舞媚呼兒叱咤如不聞撞鐘伐  
鼓聲殷殷空勞武士彎弧矢恰似巫山散雨雲使君恹恍空齋立  
美人舉帷蓮步入遣婢殷勤先致詞斂衽勝常中禮節含悲再拜  
說衡王昔也承恩今斷腸鶴歸已失當年夢魂返難尋舊日香爲

言此際成良會逢君醉倒夫何害金盤錯落紫駝峰犀筋紛紜素  
鱗鱗興來往往愛揮毫談經說史如波濤標奇好續齊諧記選句  
應追楚客騷笑語逢人渾不苟明河莫望君知否寶帶雙懸金錯  
刀宮腰一束章臺柳似此相於閱數旬一朝離別涕沾巾陽關不  
忍歌三疊別酒還教酌數巡來挈雙鬟去畱一唬痕獨向青兒溼  
東兒聯袂入雲中篤言訪道求丹訣我聞此語魂黯然擗管應爲  
野史編銅駝離黍無須問獨使佳人姓氏傳人生一死誠何用畱  
得芳名青史重花藥空辜故主恩明妃徒有還宮夢誰將白骨徇  
王家魂夢歸來泣暮鴉月冷湖頭飛海鴈夜寒江上聽琵琶古今  
怪事恆相類或者神仙或鬼魅少君曾召李夫人方平亦遣麻姑  
至不知此女爲誰來對客陳詞亦可哀君不見杜鵑枝上三更血  
傷汝飛鳴到夜臺

登半塘寺高閣

七里山塘行已半半塘古寺斜臨岸何年傑閣勢凌雲舉眸直瞰



吳江縣吳王宮殿已荒邱闔闔門前水背流今人但惜古人去古  
人那料今人愁君不見胥江怒濤高百尺鐫鏤劍氣互虛碧專諸  
已死塔猶存要離塚上青燐出月光滿樹雲滿溪溪雲欲上風淒  
淒倚檻高歌發長嘯蛟龍潛伏鳥夜唳

過吳江憶前人楓落吳江冷之句率爾成歌


吾曹賦詩累篇牘得傳一語亦便足當年楓落句絕倫直到于今  
大名屬我來鼓楫吳江城楓落依然對江曲始悔生平浪作歌可  
傳佳句誠如何今人亦或謬稱賞難料他年論不苛千詩百詩爭  
一語一語不傳復何取究竟詩須盡可傳徒傳一語難輕許李杜  
詩歌指難屈長篇短篇皆傑出欲求一語特稱奇如并觀天海蠡  
測我今不敢多賦詩前有李杜難過之不如求工仍一語吳江楓  
落真吾師

吳山觀飛來石歌

西湖上有飛來峰吳山上有飛來石我愛飛來峰勢奇及觀此石

稱雙絕莫是峰飛過此時故將此石遺在斯宿窾噉亦難狀寒  
泉滴瀝聲淒其側嶺橫崖似嵌空十畝五畝廣不同插天百丈仰  
難到四圍合沓皆玲瓏中有天光垂一線白露夜滴生悲風雲從  
石根起沾我衣袂中拂之不可去旋薄青芙蓉此時相對愛杯酌  
呼兒沽酒白日落狂歌長嘯泣鬼神往往蛟龍聽潛壑君不見錢  
塘江潮行復來射潮甲士安在哉又不見宋皇大內在山隈銅駝  
金闕成蒿萊獨餘此石飛難去令人俯仰生悲哀

學文堂詩集卷一



學文堂詩集卷二

夫椒山人陳玉璣賡明

五言律一

初霽渡江

小艇中流渡乘潮似建瓴雨殘山半霽龍怒水猶腥遠岸鳴孤鶩  
荒洲落大星嘯歌真自在風浪幾曾聽

過金山

水勢山邊險舟行避復迎槳聲搖洞壑風色辨陰晴閣記當年臥

泉思向日烹那知一卷石竟爾作金城山新城

同友登京口避風館高閣望江題壁三首

袞袞登樓與披襟坐上頭果知天地大不盡古今愁孤塔衝煙立

諸峯拍浪浮憑闌一長嘯明月夜橫秋

雨勢渾難定蒼茫沒遠天潮迴沙少岸風急渡無船小閣含秋氣

浮雲亂曉煙上人能好客相對欲逃禪

極望長天外口風更曳裾山川三楚接煙火六朝餘夾岸居仍麗

危旌插未疏酒徒吾輩是爛醉莫躊躇  
久雨喜霽舟中同歸元恭限韻  
不道天能霽欣然豁我胸榜人歌踴躍田父意從容白返前宵月  
青歸舊日峯銜杯供嘯咏佳客正相從  
蔣墅舟中遣興同琅霞用工部秋野韻五首  
秋風吹不斷秋影散空虛樹密偏懸蔓蒲荒豈故墟黃花幽岸摘  
青菜野田鋤更喜停橈處呼兒一釣魚  
歷歷渾如畫相看意不違捕魚呼婦起刈稻挈兒歸秋色迎船好  
煙光過眼非野人容我竝應採故山薇  
况是添幽興秋江帶水長洩雲沾樹影落日背谿光鳥羨凌風翼  
船疑小洞房村邊頻去住隨處野花香  
月向烏樓白口偏蟹舍紅長林霽宿霧岸隱疏風爲客應多口  
離家便不同夜涼憑棹聽仍恐泣鮫宮  
頗得江湖趣宜隨鶴鶴羣世途難得暇人事喜無聞礎落誰家杵

山飛何處雲便令嘗散誕渾欲忘從軍

秋杪同琅霞偶過蔣墅賀氏廢圃有感用工部江村韻五首

江村堪縱步一徑繞幽深宿鳥窺人意浮雲見客心臺荒還足眺

樹老恣相尋往事休惆悵登臨尚至今

全盛知誰日傳聞近百年花邊紆舞榭石罅引流泉煙色隨時換

風光信眼穿奈何搖落盡一擬問蒼天

虛谷搖空翠疏籬蔓小紅忽飛孤閣雨不斷四山風去住憐遊子

談論對野翁何從求地玉醉倒鶴溪中

拱極峯何在巋然立紫苔玲瓏生變態突兀陋凡材日射秋容澹

雲沾曉勢開宦遊真免俗萬里粵中來

旁舍梧陰直鄰畦菜甲生似茲存晚計應不羨浮榮野鶴原遺世

沙鷗豈用名年來諳此意徒倚若爲情

秋日楊青巖招飲近園用杜韻二首

坐廁羣公末人狂一醉時行行皆勝賞歷歷是吾詩節况黃花候

羹兼碧藕絲平生文酒興不厭數相期  
不斷燒銀燭那知夜漏長破愁憑酒盞消渴愛茶槍小谷浮鷺鴨  
香風散稻梁何須問軒冕真足傲羲皇

金陵寓中

稍露青溪宅還濛白鷺洲入江天欲暮穿峽樹驚秋容易村煙沒  
蒼茫水氣浮迷津何處問身世一孤舟

丹陽夜飲劉先生署中

練水日冷冷華筵醉復醒天低江岸碧雲擁縣樓青傲吏揮金椀  
高齋落翠屏自慚門下士絳帳許談經

訪蔣洽生

蔣子經年別傳聞住簡橋有明人澹澹才老鬢蕭蕭白草連三徑  
青山似六朝興來歸去晚漁火隔江招

寒食江口別弟二首

二子依親舍萊衣傍藥闌那知余作客只藉爾承歡練水乘風度

黃河帶月看儻逢征鴈至早晚報平安

客路逢寒食難令別棹停酒銜涼月白江插暮山青豈直悲鴻鴈  
其如念鵲鴿臨歧無涕淚歸去好趨庭

京口寄內

昨夜催行李孤燈對別離浮名原不羨長路恐多危船到三江口  
花飛二月時總添遊子恨落日才心知

將抵寶應過大風瀨險有歎

萬里長安道鄉心耿不忘乾坤消濁酒身世獨危檣海月生孤嶂  
春星落大荒黃河猶未渡愁緒正蒼茫

黃河三首

不識黃河水今看九派渾天星垂谷口斜日盪天門風靜波仍壯  
帆欹沙欲吞乘槎多少客何處問崑崙

濁浪連天起荒城片席過萬方同貢賦九曲異風波遷徙淮流合  
蒼茫海氣多倚閭愁梗塞今已渡黃河

徙倚黃河岸源從天上來大風生峽谷微雨過荒臺樹暝禪燈出  
城孤畫角哀澄清應可俟真乏濟川才  
柳林間

北望天垂遠空林起暮陰飛揚歸客思搖落故人心白鴈時相見  
黃雲愁至今不知停棹處何事獨沈吟

分水廟

兩水折流奔雙峯夾一門南趨開濟漯北徙匯崑崙漁火漫漫出  
旌旗獵獵翻古祠禋禮敬禹迹悵空存

時設汛兵

過楊東起故宅有感二首

楊子談經宅重來只自悲不堪思舊侶況復見孤兒日暮藤蘿合  
春深楊柳垂當年畫樓上玉笛想同吹

憶昔相攜手文袿共陸離屢邀公子獵不顧尚書期白恰人誰健  
黃泉爾自知依然吟眺處回首倍淒其  
答龔仲震二首

暫爾荆溪別何當有贈詩神工皆頓挫興會獨淋漓月照孤舟泊  
秋驚雙鬢絲好將飛動意嘗遣故人知

攜手入城市論心到草堂小池雲淅淅三徑樹蒼蒼釀熟休辭醉  
詩成自欲狂看君衰謝意絲竹總悲傷

送梵輝上人赴友人約

何必東林下方成惠遠居偶攜搜笠去不厭故人廬山翠浮杯溼  
溪深落梵疏三車如可演容我叩清虛

重登太白酒樓題壁二首

東魯經過慣相逢復此遊再停遷客棹重上戍城樓濟漯流元合  
煙嵐翠恰浮斷碑磨滅處想像謫仙畱

每到高賢地詩懷倍覺新狂餘愁不斷題罷興如神憑弔應吾輩  
遨遊賴此身欲將千斛酒澆徧濟河濱

過南池憶昔與汪處嘿同遊悵然有作  
憶昔同遊客汪生自不羣只今池館在已覺死生分道路知音失

泉臺痛哭聞偏教名勝地雙淚落紛紛  
題旅店壁

興被詩篇役愁隨客路羈縱令工少益祇覺遣相宜棗熟村醪嫩  
沙崩草舍欹頽垣題欲徧萬一採風知

陶邱假宿何氏荒園

地僻經過少人來夾道看到門僮僕訝高枕性情安雜樹浮雲薄  
疏籬落照殘生平愛幽興深覺旅愁寬

白楊

此樹江南少蕭蕭十丈餘日穿枝欲倒雨洗葉偏疏松柏陰相蔽  
梧桐翠不如那能移得汝一一蔭吾廬

鴈

不忍尋常見那堪客裏逢何時遠塞北帶雪過山東天際雙雙列  
沙邊箇箇同儻傳遊子信應到故鄉中

輓賀繼登刺史殉難蜀中

張獻忠寇蜀死之

羣盜縱橫日孤城戰鬪中馬聲嘶赤甲鵲血灑青楓李特山河險  
公孫帳旆雄十年巫峽路腸斷舊郵筒

將至狼山屯晚宿村舍

小寺危橋側孤村萬頃開攀籬頻繫馬見酒便開顏土銜炊仍冷  
牛羊夕未還今宵須睡熟明日好看山

山行

客裏身難惜山邊曉耐寒石根穿水去籬落趁峯攢旅夢過三月  
囊錢賸一餐長途隨處險况復對巔岈

嘉祥郭外同虞掌叔晚眺高閣

閣迴霞初散窗虛翠復添參差開曉睨高下出閭閻倦鳥翻飛竝  
窮途慰藉兼與君聊縱目成鼓夜來嚴

客夜

客夜偏難曉寒衾不冝溫月痕虛半壁沙勢動孤村高枕三秋盡  
防身一劔存空階還起立底事向誰論

晚眺  
野港銀河倒荒城戍鼓初槩鳴漁火亂鷗宿晚沙虛天地容爲客  
風塵憶故廬親朋知好在難報一行書  
盧別駕索詩爲別兼承分俸賦謝此詩  
詩是君家好如余敢易論感深情自竭  
前途見汝恩驪歌休更唱相對已銷魂  
曉起  
客眠難得著偶著便呼行容易風寒入  
蒼茫早暮更月痕依水確  
鳥夢失山城試問同車者應傷此夜情  
再過濟寧馬土口占  
總是他鄉路重來若故鄉翠殘池館樹  
白益寺橋霜薄祿霑難得  
微軀瘁可傷時聞道傍語驚馬尚飛揚  
殘雪  
聞道余行後紛紛雪更多只今消未盡昨夜對如何野燒侵荒陵

層冰滾大河若爲來往熟渾欲忘蹉跎時濟水已冰舟人競鑿而渡

寄家書因示鄉人

無數家門事書中那便詳看來愁欲動封罷語猶忘生產何曾問  
饑寒總不妨漫傳悲苦意恐益倚閭傷

沙

作客真愁雨驅車更苦沙似令風有色忽覺樹無華深淺霞光沒

微茫水勢斜連拳鷗鷺好安穩臥蒹葭

燈

客裏無佳况寒燈遂少花每當然永夜獨使對長嗟杯動溶溶溼

風微脉脉斜故鄉誰共汝應與護輕紗

月

向說無私照今看似有私故鄉人不見孤客淚偏滋影側鴻斜度

光沈樹倒垂巖更過夜半愁絕未成詩

束裝

客裝隨處束一夜一番新書篋從顛倒衣裘任苦辛  
 饑憐奴僕問窮到旅途真贖有詩文在蕭蕭伴此身  
 汶上訪路子復留宿齋中四首  
 問訊汶河畔來遊故舊居徑隨松翠換水動畫簾虛亂石參差立  
 寒花造次舒主人驚會面相對各躊躇  
 太白孤城迴明湖落照偏煙花時隱現  
 移尊老樹邊多君能領客攜手遂忘年  
 明湖山名  
 旁舍中都地猶餘舊講堂荒碑難細讀  
 衰柳自成行徑仄霞如綺  
 溪平月似霜登臺還極眺百里見微茫  
 曉起忽不樂淒然賦別歌攜囊還展轉倚杖更婆娑  
 自覺風塵悞空餘野趣多  
 何時理歸棹重許故人過  
 客夜閱邸報得韓刑部聖秋凶問二首  
 正欲擁衾臥人傳邸報來  
 蒼茫聊寓目驚訝忽停杯  
 似聽山陽笛真憐鄴苑才  
 鶴飛何處著客夢儻徘徊

爾若今無恙公車到定畱新詩還索看  
 高閣慰重遊不謂珠難返空餘劔未投  
 紛紛遊子淚應動夜臺愁登東平城晚眺

寒倚巖城眺諸峯擁縣青  
 斷雲浮滄滄細水去泠泠  
 客慣愁翻減風吹酒易醒  
 舉頭鴻鴈過噤噤不堪聽  
 荏平

昨夜經阿邑今朝至荏平  
 沙痕喧細水日氣射孤城  
 旅食還須勉村醪也自清  
 漫愁為客苦爛醉足浮生  
 過德州二十里鋪示同行會稽吳文州北與景

地是燕齊圻人從吳越來  
 孤村當落日小驛置荒臺  
 月動青萍影霜添白髮哀  
 莫愁前路遠相對且銜杯  
 望景州塔

何必登臨好看來  
 便不同地分齊嶠  
 右山遠薊門東法雨垂  
 天界慈雲漾碧空  
 非無攀躋興媿我正飄蓬



白溝河晚眺二首

距京二百里  
宋遼分界處

總是幽燕地相傳遼宋分  
鴈行高不落沙岸走無聞  
割據悲前代遭逢幸

聖君請看雲近處佳氣正  
氤氳儻得兼程進昭臺便已  
登卻看天欲暮且醉酒如澠  
逆旅愁無賴思鄉病屢增  
十年心底事照我是寒燈

小米

五穀元俱貴餐來米自強  
種因南北異土是上中良  
入杵愁逾細除芒便有香  
遙知故鄉陌收穫也應忙

即事

萍蹤隨處泛茲土暫流連  
粗糲聊充筋樞梨不論錢  
人稀休市早樹少看山便  
野老挑燈坐兵戈說去年

雪

恰閉重局臥兒童報雪飛  
披衣看有興卷幔坐忘機  
白變層巒態青消萬樹輝  
牀頭餘醞在斟酌莫相違

又雪

昨夜看如此今朝望又迷  
山沾容愈好樹壓幹全低  
爛熳催新賦紛霏想舊谿  
何人更乘興孤客此羈棲

晚晴野步

雨餘聊步屨景色媚林皋  
斷峽霑初洗浮雲薄漸高  
日斜光澹澹水細響涓涓  
更到村南去狂吟氣倍豪

馬上

夙有飛騰志如今祇自悲  
肉消髀漸痛坐久骨難支  
共冀空羣顧難逢買駿期  
馳驅渾未慣應任北人嗤

寄弟十首

每覺思吾弟情深語便真  
鵲鶴詩擬續春草夢時新  
道路空回首家書寄乏人  
一尊椒柏酒憑汝獻高親

莫愁書未讀庭訓總堪師  
疑爾聞頻異憐子膝暫離  
身名休寂寞門戶仗支持  
親望真難慰吾曹努力為

老母偏茹苦饗飧在我儕何曾頻進饌况乃是長齋久抱含飴痛  
兼傷望遠懷膝前惟汝在應與說天涯  
汝小應難憶余前尚有兄姓名之楚識詞賦兩京榮不謂矜遊俠  
長令聞死生十年回首處流涕尚縱橫兄曾遊楚後亡于  
卻憶東郊外蕭條丙舍荒貽謀真式穀誓墓每同傷讓棗情偏重  
然藜夜自長只今誰共汝離思倍難忘東郊丙舍子與  
汝姪如還在寧馨定若何昔曾呼小阮今已痛西河一子愁艱抱  
雙親髮漸皤憑君深自慰掌上看婆娑余前年有喪子之痛  
記得河干別相看淚迸流忽驚飛鴈斷真訝去船浮百里還依戀  
中宵更唱酬臨歧頻寄語堂上莫生憂弟送至  
都道遨遊好余行只自嗟秋遲魯甸四月到京華彈鋏知無益  
飄蓬未有涯歸來三徑在生計足桑麻  
余豈耽幽興風塵汝未嘗饑驅形反瘦狂走鬢俱蒼聊藉詩篇遣  
翻添別緒長故園新釀熟愁殺是他鄉

多少悲傷事歌詩那易窮緒紛詞續斷愁到淚朦朧世路知予倦  
天涯望爾雄登臺頻矯首颯颯羨歸鴻

夢家二首

只愁難得睡有夢定還家真訝風煙異何曾道路賒堂前萱草長  
原上鶉鴒斜更覺歡娛極江村處處花  
乍醒猶堪喜回思便可嗟祇餘雙鬢在依舊一燈斜靜聽繁檐雪  
輕飄透幌花故園今夜望何處是天涯時值大雪  
蘆溝橋

只覺波難盡何曾楫可通燕山環左右易水注西東露氣侵沙白  
宵行愛燭紅十年驅馬地蕭瑟大都同  
十二月十五夜望月二首

只此今年月他鄉尚獨看漸知春氣近彌益客途寒列宿疏雲際  
清輝裊露盤故園如極望直北是長安  
動輒長安見如今又兩回曾懸萊子袖還照阮生杯冀北光俱滿

江南望易哀天邊行自徧遙擬故鄉來前年侍家大人在都故有三句

家叔直周哀辭十首

儻能延一月我到定歡呼頓覺存亡判真令涕淚枯薤歌哀白玉

斗室是黃鑪試問魂兮去曾歸故里無余于臘月到都而叔已先于十一月謝世

最痛余行日叮嚀是六郎為言逢我父定促早還鄉細作家書寄

真添別淚長此情那忍負頻向總幃將

此際兒猶望那堪凶問傳乍聞人似夢回憶淚如泉客久身俱殉

家貧著倒懸半生辛苦意躡踊問蒼天

忍見遺囊內猶存數卷書學醫翻自誤知命總成虛手澤驚無恙

鞦韆恨有餘夜臺如欲訴失計悔生初叔學醫兼知星理故囊遺皆此種書

生前徒碌碌可歎一無成人楚名難立遊梁說未行信知儒術誤

空使壯心驚異日歸華表悲鳴定失聲叔八載客遊俱在楚豫間

莫愁棺不返冰釋便呼舟魂暫安蕭寺春應到故邱田園知好在

弟妹自相周生死渾難負黃泉汝慰否叔棺權厝蕭寺

嬌母嗟先歿棺猶北郭停八年如有待一夢共難醒合葬靈應安

齊肩饗自歆孤兒能負土雞骨最伶仃

送死憑誰在侯芭誼獨存未沾兒女淚難忘友生恩蹤迹三年共

交情兩姓敦可憐承付託欲語便聲吞有薛山人三載同叔客遊歿時致芻斂軸誼並古人

蓋棺分已定誌爾莫深悲處士名原重高人傳可師生前才未展

歿後路猶岐翻覺傷懷抱難成有道碑

涕淚何由破長歌豈當哀傷心詩總謬為客念都灰落落家千里

淒淒土一坏孤魂如有識招爾定歸來

守歲二首

年去人還守春來歲便除不眠添客思何處問吾廬堂上椒誰獻

池邊夢總虛忽傳千里信喜極重欷歔時得家書

令節明朝是回頭萬事非風塵雙足誤菽水一冬違捧檄親難慰

思家漏漸稀年華催我別來歲幾時歸

盆梅二首

臘去原無迹梅花巧逗春依依能伴客落落最宜人撮土根株竝

連筒灌溉頻似茲生意足何必戀江濱數蘂渾難得攜來道路艱頓令春色在應許客愁閒石好如山綴

枝繁著意刪平生邱壑趣對汝正相關病中謝友人枉顧

畢竟愁難遣微軀病遂侵可憐春雨後伏枕到如今豎子驅何法

頭風痛不禁君來艱倒屣強起便追尋燕邸見探春花

花是今年發人還去歲來一春舒客眼連日對浮杯蜂惱爭鬢墮

鶯翻弄舌迴上林聞更好難見數枝開方侍御作楊柳圖索題

伊昔乘驄客如今老畫師興來時潑墨人到索題詩柳睡黃鸝穩

花飄綠水遲喜無遊子在恐縮別離思許傳舟置酒爲別席上同方邵村顧華峯

每夜華堂讌那知有別離忽聞今夕會都道送行時沙急津門暗

風高易水悲故鄉歸未得揮手欲何之時余將遊山左

查給諫王望枉送都亭宣武門前路多君挽去驂別顏當冀野離緒入江潭投筆心猶壯

還家興豈酣儻公書諫草加意望東南出都二首

從此出都城驅車曉夜行路緣頻過熟囊竝一身輕岸柳隨春換

村煙繞樹生可堪回首處脈脈重含情歸思吾誠急那能便忽然數言忘忌諱時論遂拘牽敢效劉蕡泣

難追祖述鞭煌煌天語在努力慰求賢邵村華峯見和前詩賦此酬贈二首

名姓誰猶記相憐有邵村贈子詩數首念此別銷魂放逐安時議

艱危見此生長安須善處勉矣慎浮名

春半

客裏寒難受殷勤望早春無端歸又半著意看猶新夾道花誰主  
疏籬筍過人相逢須醉倒前路恐沾巾

春雪

北地春寒久清明尚雪飛微沾古渡悄悄溼征衣匹馬揮鞭去  
孤鴻掩淚歸故園花正好愁絕是荆扉

又宿

今日車停後高眠又一家大都茅覆屋總覺岸頽沙取醉非無酒  
充盤只有瓜野人相對語春水漲桃花

病中曉行與同行吳丈

病骨支離甚登車怕早涼無窮遊子意難對丈人行吟已同莊鳥  
歌真類楚狂昨宵渾未寐因汝話家鄉

旅食

旅食家家換天涯處處親那曾饑索米終覺熱因人藜藿餐何厭  
蘆蓴夢屢新鄉關為傳語春事且逡巡

春耕

頗聞天意好農事徧春荆雨過雲仍黑犁鋤草不青異鄉離黍淚  
故里稻梁心歸去安耕鑿徯語幾處聽適過故縣址故有第五句

春望

每乘春一望春眼一番除麥細煙生浪波迴月湧沙鷗鷁千箇少  
籬落數行斜聞說清和近風光漸有涯

途中見桃杏盛放獨無梅花因成四韻

只是梅花少其餘總放春馬蹏經樹歇鶯語入枝新岸岸成霞綺  
村村覆錦茵相看俱驛路還覓隴頭人

山行

一山當面斷行到路還通身入層霄裏車迴細水中白雲歸澗碧  
黃鳥啄枝紅極望波濤外飄飄盡轉蓬

到村

樹密村難辨溪斜屋半侵兒童騎客馬花柳入春吟過雨蜂黃溼  
銜泥燕背深此時須一醉長嘯復披襟

羊畱村登高閣

羊祐故里

峯到雞鳴盡村因羊祐畱猶聞稱折臂無復見輕裘高閣收新雨  
圓沙逗晚鷗欲窮千里目何處覩山頭

雞鳴峯名

自徂徠歷新甫眺望二首

自笑平生僻逢山興便高酒懷都浩浩詩句更滔滔每惜峯巒過  
靈辭鞍馬勞還思登絕巘一擬淨塵囂  
積翠何時斷連峯次第生樵歌經雨歇谷鳥逐晴鳴過眼野花落  
回頭岱嶽橫闕宮還在否松柏尚崢嶸

蒙陰

數峯看漸遠復有一峯迎上下孤城見欽欽匹馬行繭絲家共絡  
梨棗岸俱盈晚向村頭坐蒙茶為客烹

過郟城

距宿遷百里

漸喜江南近揮鞭努力行已過郟子國便到項王城野渡全浮纜  
春畦徧耦耕黃河今在眼早晚一舟橫

宿遷覓舟

此身長道路誰分有歸期竟入臨淮境真逢鼓柁時囊猶存顧直  
春正好吟詩坐臥中流穩呼僮急舉卮

春詠十二首

牡丹

信有傾城號看來便絕倫低昂渾盡態含吐定經旬豔豔霞光冑  
盈盈露氣新翻憐春欲暮欣賞及芳晨

梨花

樹樹花爭豔梨花澹自殊空枝疑雪色細藥雜蜂鬢蝶引迷高下  
雲沾看有無洗妝喧此際把酒競相呼

筍

何限干霄勢森然徑寸閒抽條靈久待解籜便難攀籬落寄無數  
盤餐興頗關熟知滋味好着意尤邊刪

草

細草含春態欣欣自向榮但令嘗可愛何必盡知名嫩碧兼波湧  
微香帶雨生毋為南浦望歛使別情驚

羔

拭目春畦上羔兒寢復興細眠俱不競狂走漸相矜執贖因知貴  
思乘自莫勝喜看時傍母日夕應摩肱

蝴蝶

隨意觀羣動紛紛蝶正忙夢餘猶髮鬢看去恰飛揚傳就天然粉  
偷殘花底香可憐明月下宿影見微茫

鴨

方池浮藻苕花鴨戲相依振頸搖光亂翻身宿影稀隨鼻難舉翅  
與鷺學忘機梁稻謀還得籠邊踉蹌歸

燕

舊日梁間燕重來又一年呢喃仍欲訴巢幙幸依然豈惜長途苦  
深叨故主憐銜泥兼啄草往復畫檐前

黃鸝

深樹黃鸝覺曉殘一院春乍開如解語屢囀欲傷神花密藏身穩  
枝高掠羽新相看邀逸興攜酒漫逡巡

鞦韆

自有千秋節鞦韆遂得名流傳寒食戲飄忽麗人行彩架凌雲轉  
銖衣拂地輕音容俱髮髯凝睇不勝情

雲

忽漫推峯出微沾古岸頭非因風力助嘗為雨容畱雜樹紅相映  
方塘翠不收回看思何限吾意等沈浮

池

小水溶溶淨方池岸平野花垂子細飛鳥入分明雨驟魚爭落

風狂浪只輕翻憐江海外飄泊壯心驚  
中秋對月時客秣陵

月到中秋好他鄉泥此身六朝芳草歇  
山光動有神故園猶在眼辛苦望歸人

登報恩寺塔

勝絕驚昔在天涯見此心大江餘一綫  
時時風雨吟欲將灰劫事稽首問祇林

過仲震荆溪草堂二首

爲愛山川好欣然此卜居薄田雖未買  
溪邊鴈影疏我來多逸興痛飲莫躊躇

濁酒渾無賴高談亦自雄何妨生理昧  
行藏得喪申加餐還努力漫擬作衰翁

送曹倬雲計偕北上

昨歲同爲客秋風滿後湖方舟邀翠羽  
聯袂摘香菰慷慨愁離別

兵戈慎道途蘭陵多美酒立馬爲君沽

五言律二

懷戴孝廉雲簡

憶作郎川客扁舟訪戴過到門新雨後  
把酒暮煙多客路還工賦

高樓任放歌別離人自慣于爾奈愁何

與周渭公

識君纔一載知君已十年交從古道得  
名悔少時傳長鋏隨人問

高樓共爾眠盤龍今健在書記正翩翩

晚宿

徑仄偏多樹山迴便有村草沾新露影  
馬踏舊蹏痕夜雨爲誰急

秋宵此獨存野人談往事把酒共荆門

再過徐山人居

顏壁曾題徧荒臺此過頻忽驚鬢髮改  
彌覺酒杯親計拙艱生理

交深見苦辛看君牽幼子垂老欲傷神

學文堂詩集卷二

七



江陰夜泊有感二首

極目荒江上蒼茫野興多  
秋風高鐵笛寒月冷銅駝樹杪孤帆出  
天邊一鴈過旅愁驚赤羽獨立夜如何

九月大江頭邀賓上酒樓  
碧繩偏照客黃菊好悲秋海氣連申浦  
軍聲擁潤州凭闌一長望何處小山幽

憶東園

故鄉容易望倚檻奈愁何  
樹暝歸鴉少天空落鴈多風塵消濁酒

年歲託狂歌知有池塘在春深長薜蘿

月夜同友口占

最是他鄉路江邊殢客舟  
相逢脫寶劍一嘯上高樓水驛紅闌滿

人家白苧秋可堪腸斷處常此月當頭

姑蘇道中

茂苑風流在重遊好問津半塘寒落日  
雙槳送離人市上簫聲舊

橋邊柳色新最憐長此客依約是三春

陪薛 詔使赴鄭太醫宴集

永夜華堂讌征車此暫停月同千里白  
人對一峯青橋井畱仙藥

山塘

只此山塘岸來頻去每遲雜花飛故苑  
細水漲新池酒熟當鑪喚

舟移宿鳥知有時成獨立吟徧舊題詩

望江

行子乘春望淒然發浩歌海雲浮客棹  
江樹接官河鴈去吳天盡

潮來楚國多妙高臺上月日夜送寒波

登北固山樓二首

匹馬凭孤嶂危城控上游魚龍一夜靜  
吳楚萬家浮獨客來江閣

層雲結海樓茫茫沙島外千里暮煙愁

笳吹西風道浮生此放歌城樓喧浩蕩  
郡郭壓嵯峨拂袖乾坤隘

月夜登玉山

是處稱天塹，凭高望不窮。赤闌隨岸圻，碧浪入杯空。沙草沈殘鏃，牙門挂角弓。漁舟安穩在，磯畔水融融。

阻風夜泊

漠漠孤洲湧，驚濤阻客程。愁餘空日斷，夢罷識身輕。野曠天連燒，沙清鴈報更。百年拌盡醉，隨處大江橫。

瓜洲

遙望海門低，春風滿大堤。亂流衝棹過，斜日帶江迷。綠蔣浮瓜步，黃花散馬蹏。蕪城纔咫尺，煙樹晚淒淒。

登寶應碧霞寺層樓

層樓何代寺，突兀射湖邊。樹接青山落，城銜白日懸。法雲開浩劫，香雨散諸天。千里勞勞客，凭臨思黯然。

桃源縣

桃源名亦好，憑眺境全非。市小行人集，煙疏晚爨稀。河聲連戍鼓，

草色上春衣。無限江南思，蒼茫共落暉。

夜泊魚頭壩荒岸，不寐有作。

漸覺三春盡，迢迢路尚餘。樹陰疑到峽，月黑隱聞笳。百里人煙斷，

孤舟鴈陣斜。前途半如此，飄泊信天涯。

陽穀道中

忽起故鄉思，橫空落鴈遲。淚多楊柳見，愁老杜鵑知。刺促歸三歎，

再至德州

昔自江南至今，從薊北來往還。皆此路，客思轉難裁。野水芙蓉落，

空山鸛鶴迴巖城，猶鼓角秋氣日悲哉。

觀賀蘭國貢使。海甸皆王土，奇琛入帝家。衣冠殊域迴，文物九天華。弓月開邊，

調蘆笳暗使槎。長空迷去鴈，應有指南車。

送惠上人遊洞庭

一徑安禪處三年聽法堂地偏人迹少樹老佛燈藏作客吾猶健  
高吟爾不妨輕帆洞庭去秋水正蒼蒼

別弟二首

欲去情難忍相看淚不窮親朋城郭外吾弟客舟中風雪艱長路  
饑寒倚小僮故鄉書早寄愁眼莫教空  
竟作遠遊子高堂賴爾存須分顏有喜應念齒俱尊藥餌宜時製  
餅蠶望早温倘煩行旅問客路莫深論  
贈許方來

許生真意氣家住雨花臺曾作金城將能無玉樹哀燕關愁鴈寄  
吳市和簫來醉慰如相問休誇猿臂才

下邳

忽過下邳城城邊碧草生春含孤角細舟對一峯橫鴈影雲端沒  
人家雨後明千年圮橋上來往不勝情  
卽事

十萬新軍集吹笳徧郭門村煙終日斷雞犬數家存漫下窮途淚  
還傾濁酒尊羣公康濟在兵事且休論

微雨

伏枕聽難覺開扉望復明濃花沾有色細草著無聲脈脈山容重  
霏霏霧意輕閒愁吟欲徧獨自繞階行

秋日過婁東訪曹倬雲二首

舊有登堂約扁舟此夕過到門波浩蕩乘興月婆娑不道孤兒痛  
還添別淚多支牀雞骨瘦慰藉欲如何時倬雲有失怙之痛  
欲別誰能忍相畱更不安爲子仍下榻憐爾未加餐積愆真難盡  
新詩敢索看曉來分手處總帳火猶寒  
得友人山左消息

竟作十年別何無一紙書傳聞在東魯早晚下南徐客久才逾老  
思深夢轉疏靈光遺殿在問爾賦何如  
夏日

陶陶當此日客路尚淹留竹暗諸天雨花迎一樹秋長風催畫角  
落日挂城頭散髮容高臥茅堂迴自幽  
雪夜自江上歸過友人宿

一路蒹葭響孤舟雪上移別來忘夙約相見慰秋期燭照江梅發  
泉聽石澗遲藤蘿應已暝半偈坐堪持

訪友

舊識知何處家仍秋水澗不疑人在夢翻道見俱遲斗酒弗言薄  
明河還自垂因君動幽意倚杖欲追隨

山居

一自看山去兼旬住石房鶴聽空澗雨鳥啄翠巖霜高臥身容懶  
孤吟興倍長偶然乘月望湖水夜蒼茫

客中懷毛畱鄴亦客遊未歸  
自我離鄉後因君繫此心覺來邊角動坐到寺鐘沈薄俗憎孤客  
全家待好音歸期余未卜知爾更難禁

哭劉厚瞻姑丈

地下劉文學聲名尚至今可憐貧到骨况復病傷心墓草自成色  
悲鳥非好音葭莩半零落淒斷白頭吟

送吳子班歸池州

送送故人去悠悠同調稀鐘寒聲欲斷木落影偏微鈎黨家風舊  
從軍壯志違君看匹馬處黃鵠各翻飛

贈梅杓司

似子矜遊俠陽春曲轉高詩名三婦豔人是五陵豪金縷翻歌扇  
銀鞭拂寶刀飄零休自歎才調本西陶

病中雜詩

有引

客歸嬰疾自秋徂冬憔悴以來何心風雅然相如伏枕尚成  
封禪之文宗元抱疴亦報史書之札知翰墨之道古人雖病  
閒猶不廢也第孔璋草檄焉能自愈頭風而元龍踞牀止覺  
頓除豪氣聊附七哀而表志憑八詠以舒愁云爾

曉泊石堰

九十行將半輕帆曉暫留小村山乍掩一水樹初浮沙溼知潮落

魚跳見網收飄飄無倚著心迹等虛舟

江陰距吾邑九十里

到家  
悔不將身惜深貽父母憂入門猶強慰伏枕忽生愁暗數他鄉苦

回思召疾由欲言仍未敢擁被淚潛流

病  
且任皇天意毋須救死頻百年原是客千載定何人縱苦河魚疾

休悲土木身但憐諸弟妹一一慰酸辛

自慰

蒼天頻仰問畢竟我如何庾袞元無畏陳思敢廢歌形容孤枕習

涕淚一秋多稍喜風塵事無由到薜蘿

蔗漿

都道能消渴相宜獨柘漿節調緣筴瀝味冷足冰霜漢祀歌原重

陳王咏莫忘總然佳境入苦思奈堪傷

漢郊祀歌泰尊柘漿析朝醒曹植詩都蔗雖美秋之

折必  
白西瓜

不料青門內猶存是種瓜攜來疑抱月剖去擬餐霞浮水難同李

沿籬記作花若因吾病嗜有意蓄東家

棗

棗性云能補于今補未宜祇因良藥苦不覺寸情移纂纂潘安賦

來來方朔知還思遊海上服食問安期

鄒汾亭枉顧治藥

耳熱汾亭久今知果善醫悵君來稍暮致我病踰時理熟才兼老

情深藥自宜從茲紛感激雞骨料能支

語汾亭

僕病雖今日先生貴溯源公車悲屢困長缺恨空存道路饑寒積  
交情涕淚吞數年心耿耿難與達人論

對鏡

忽相君之面低徊欲斷魂蛾眉疑被妬青眼悵徒存舌敝那關病  
嗚深竟有痕傷心更何限非汝向誰論  
燈影

榻畔如憐我依依見汝來愁容疑獨掩苦志豈同灰自笑呼應出  
誰知對可哀忽驚回首處何事穗花開

語弟

汝試來看我今朝似稍佳好將相對意急慰老親懷負米勞難共  
趨庭訓莫乖更須勤自愛兄罪已無涯

可歎

向苦貧非病今傷病復貧一燈兒女淚三徑草茅身詩賦隨時議  
形骸減眾人十年飛動意不覺暗傷神

劉明府餽黃蓮陳米

父執劉褒縣關情贈餽頻養生期自遠嘗瞻意何親南國香秔貴

西川上草真藥囊須正切懽喜倒沾巾

黃蓮一名上草

戒上人攜藥酒過

東郭天靈寺從來藥酒傳大都温補勝真與治生便琥珀光應敵

葡萄酒况全上人時惠我未疾喜加痊

左傳風淫未疾

觀煮粥

只道紅爐內端為藥餌温那知饅粥味復許故人吞入口應深訝

聞香預細論祇愁難飽食斟酌進晨昏

移菊數十本置榻前

難向籬邊步移來斗室幽與吾同避俗為爾重悲秋種色朦朧辨

香風子細收白衣空送酒辜負好花畱

時余戒酒

岳維洛索書箋致揚州同年劉玉少

夙有揮毫興其如手戰頻生疏難具法錯落總非神布勢渾鋒仄  
臨筵竟腕親孝標應見晒為說病餘人

聞鐘

每因鐘一動底事一回思夢寢燕山路男兒馬革屍愁聲隨斷續  
哀怨入淒其忽笑支離叟誰爲努力期

落葉

木葉驚微脫相看惜故枝一秋今古夢萬樹別離思人水飄難定  
隨風下每遲始知天地意搖落總無私

思食蛤蜊不得

嘗盡人間味方知澹自優性情宜雅合七箸愛相投月想孤輪仄  
絲疑獨繭抽枕邊方議食爲爾預綢繆

夢先叔虞掌

叔死猶憐我殷勤入夢來如生相顧情欲醒又徘徊質樸形容舊  
飛騰志氣灰思君無限恨何計慰泉臺

曹頌嘉書來慰問兼至因言趙生工相術又言籬菊甚佳恨不與

予共賞詩以報之

似我應無相音容異昔時吳牛聲愈喘燕駿骨空悲豈是煙霞錮

眞叨風雨思名園頻矯首深負菊花期

飲酒

今日方沾汝銜卮忍暫停自能容鹵莽誰復計飄零眼底人閒世  
天邊醉裏醒那堪杯影動愁鬢欲星星

聞宜興徐表弟病信

未經身歷後誰覺汝難任體况加余弱愁同令母侵年髻生理味  
夢遠淚痕深裹飯知何日淒然兩地心

喜婦翁許侍御北歸

主德原寬大扁舟詔許歸臣寃何用白朝議豈終違親故欣攜  
手鄉關好息機應思多病者先有過荆扉

憶許傅舟舅寄居天津

吾舅飄零甚全家寄海濱縱知能作達何計不憂貧患難生忠孝  
悲涼動鬼神倚牀時爲汝翹首數沾巾

展前人畫山水卷

不識何時畫相傳唐宋人收藏經百載閱歷定千春如觀山容變  
兼疑雨勢真倦眸驚復醒邱壑意相親

移牀屋宇元無幾移牀只此閒近窗因就日捲幔便看山書架重攜向  
茶鐺舊未閒高眠大自在佳夢豈吾慳

立冬

一秋高枕盡今日又初冬時序隨愁換霜天苦病逢酒應和藥煮  
衣重著綿縫更把新收穀呼兒細細春

得張尚書劄

念我餘生在尚書翰札來所言都見道相戒只多才用拙知名妄  
忘貧覺網恢百朋真已錫勿藥齋顏開

母宜人生日

今日高堂讌霞觴苦未持承權惟弟妹獻瑞得花枝老父顏應喜  
宜人色倍怡不須頻顧問安穩在牀兒

宜人誕在十月  
庭中桃花盛開

典裘示友

薄田雖已熟祇足貢官逋不藉霜裘典幾令藥餌枯棄襦吾信媿  
拂袖爾誰俱爲語休嫌敝持錢竟有無

見架上書帙

牙籤猶宛識拭眼重躊躇歷歷丹鉛徧紛紛記憶疏欲觀仍未敢  
強起定何如究竟都無益全生祇藥書

憶東村草堂

約略疏籬外依稀老樹邊村孤人迹少徑仄草堂偏架上憐殘帙  
囊中惜斷弦來朝須力疾休負好林泉

聞鴈

朔鴈聲何苦平時尚怕聽况當垂獎後每悵五更醒嘹唳因思啄  
單雙不竝形哀深真似我輾轉意難寧

聞鷄

徹曉渾無寐時時望汝鳴乍聞猶夜半屢報始天明喜效茅容饌



思同祖逖情獨憐子骨似疲齏臄殘生  
王刺史招飲不赴

泛愛慚佳客邀歡媿病夫力稀愁禮缺身弱仗人扶俊味沾難得  
香醪醉孰俱異時來報謝重宵戒廚無  
藏蘭

一年勤護惜加意更嚴寒就日藏宜穩多風避欲安葉殘知蟻聚  
花少驗泥乾因悟人生理平時保攝難

小雪

小雪原宜雪初寒倍覺寒陡然青嶂色都作白雲看雀亂饑翻瓦  
魚吹影動瀾披衣幾愁思涼夜恐難安

月

雪後光逾白更餘影倍清自從前日臥已見兩回明高樹驚烏夢  
長天冷鴈程不堪臨我榻時照淚雙盈  
幼子

縱有離愁處都忘汝笑唬未言能解語無力強提攜玉樹生元秀

金環覓詎迷老親期不淺時喜爲扶藜

語內時余將入山養病

關心多少事向汝不須論鴻案姑何舉牛衣且共存悲來時擊劍

愁到欲招魂採藥將焉往傳聞有鹿門

烹魚

正喜能強飯何須不食魚細烹銀鯽調和碧葦蔬泛泛香無匹

絲絲脰有餘自知茹素久饜養此宵初

聞兵過

見說王師下南征道路賒關河嘶萬馬旌帳拂千家渡口冰初合

軍中月正斜何年投筆去還逐李輕車

髮落

但使身嘗在何妨髮漸疏數莖應可擢兩月未曾梳尚覺衝冠起

兼愁突鬢除忍看陶氏母種種更無餘

襪

病餘雙足冷角襪最關情大布由來暖純綿倍昔盈見君應恕解

有尉定成名履鳥還宜進天涯努力行

輓巢郎中兼山事有尉張釋之事君必解襪足有疾則不解

泉室幾同汝誰知尚苟延把君詩重咏令我淚頻懸死喜身名定

官憐罪網牽孤魂如識路應到帝城邊

池冰初合味酸草結香無四

位置方塘內嵌嵌盡石根薄冰初凍影細水竟依痕猶見魚游樂

難容柳色存垂綸吾意在扶疾待朝暉

泛舟且其亦悲來

竟作乘槎客溪光散暮天紅垂雙岸橘青颺一村煙飛鳥窺林下

漁舟撥網偏相看如隔世喜極倍潯然

病愈病愈

方信乾坤事無窮屬我身以前都是夢從此復為人拘束因狂滅

艱危見道真吾生翻受益阻勉更風塵

孫風山示館閣諸集兼索贈詩

帝曰先生病無妨病遂真懶容千古酒閒縱五湖身薄譴霑恩大

危言望主頻那堪龍去遠翹首泣孤臣

和吳梅村先生三首

素馨  
百逐羣花豔亭亭素影清種微殊末麗名喜共前生纖手含珠摘  
芳姿帶月明每憐零落後珍重畏寒情末麗一名茉莉素馨劉王女素馨塚上生此花因名  
王瓜  
種類多無考偏于月令詳裏黃衣自綠帶弱項難強子母紛鈎帶  
根株喜蔓荒有時冬尚熟生計爾何長  
芻  
久辨吳興種頻看芻陸詞微姿天地倚小物帝王知茜汁疑霞綺

青莖失楚葵應思性多忌莫漫朵吾頤南史蔡樽字吳興齋前種白莫帝褒其清故有五句

登樓滿目風煙在今朝悔此登江湖雙白鵝天地一青蠅北望纓虛請

南歸病屢增仲宣思作賦憔悴已難勝

罷琴曾與對員外兼同慧上人謂傳隋苑側聲動曲江濱忽斷飛鴻影

驚思挂劍辰攜囊難便解欲鼓又逡巡公賦別久慧蒼物化感慨係之

文友過別之無錫許士過別之宣城董子梁溪去鄒生宛水行相攜都過別兩地各含情目斷玄暉閣

心牽秦伯城儻逢諸故舊為語病夫名榻前命張料絲燈數盞

皓月休矜白明珠漫惜紅邈君尤變幻慚爾態玲瓏蟬翼霞輕冒珠絲水細融相看娛病眼佳節此宵同

回憶

回憶長安道征車最愴神沙驚天少日林黑鳥啼人客夢傷憔悴

空囊耐苦辛只今嘗臥疾翻喜避風塵喜裴丈楚歸

死地吾纔脫生還汝倍傷兩人齊一哭半晌說三湘路歷羊腸險

愁隨鴈羽長從來行役苦或與病相當十一月十二夜雨

三冬將過半寒雨入初更雪間應添色風吹漸減聲鴈行霑欲落

山影潤微明獨有來朝事難禁曬藥情對客

不拜宜長揖誰知揖尚難膝原捫未屈腰恐折加酸造次成跌坐

蕭騷懶整冠殘軀疏禮法應作野人看聞山東荒信

米價

不道秋成日民生倍慘悽軍輸頻有檄米價只如泥翻益鞭笞苦  
空誇刈穫齊嗟予殘喘在忍聽路旁呢  
示姪

吾家承世澤長物總無餘只有書千卷充然滿敝廬好馴童子性  
時與古人居癡叔支牀處疑難便過余  
湘妃竹爐

方爐誰製就雅式迴殊倫本欲名君子兼宜號美人楚雲香篆裊  
湘水淚痕勻斗室耽清玩相看意每親  
與緯雲兄論詩有歎

三十年都是相看非少時姓名知孰數歲月總吾欺無計愁懷遣  
應思好句垂人生不朽事舍此更何爲  
夜起讀史

一庭鴻度後半夜雨來初忽自挑燈起渾忘久病餘相如文屢讀

扁鵲傳頻書莫訝吾生苦前人計已疏

步東鄰楊氏園

穴疑神禹鑿石擬始皇鞭突兀侵孤閣虛空旋細煙灘聲依檻束  
魚影狎波圓行藥頻過此還思問草玄

一室

鬱鬱久居此蕭然獨掩扉畏時詩思縛謝客酒杯稀世態雙鴻鵠

生涯一釣磯病餘成懶計深覺壯心非

東溪

強步東溪畔溪光上客衣漁歌喧泛泛木葉淨輝輝村午新煙直  
沙晴宿鴈飛道旁生菜美細摘滿筐歸

城眺

久臥妨登眺扶童忽此辰雨餘孤日澹雪後一帆新遠塔衝波起  
羣鷗汎水馴蒼然松柏路淒斷殫歌人

又眺

更向城西步凝眸望未窮小舟銜缺岸雜樹引疏風茅屋溪斜抱

城東郭有桃源地名

桃源路可通寒威衣漸怯能不愛微躬

丹陽僧舍憶去年與其年兄同客逢曹倬雲流連旬日悵然有作

練水方舟泛經山竝馬看相逢更漏永臨別朔風寒春草思康樂

浮雲憶子桓那堪蓮社地獨客此凭闌

酬別秣陵張丈

看君動幽意彩筆況縱橫秋到青溪宅人來白下城四愁工樂府

十載學長生揮手不能別江天朔鴈鳴

懷張古迂

因君遙在客矯首一登臺苦思憑詩遣愁顏藉酒開鴈從前日到

月是故鄉來儻問江南信飄零亦可哀

劉生

年少良家子翩翩着錦袍聲名三輔動遊俠五陵豪輕薄憑紅袖

恩讎看寶刀射雕身手健獵獵朔風高

銅雀臺

銅雀臨漳岸君王罷舞衣可憐金鴈冷獨有總幃飛繡瓦迷春草

空臺掩夕暉千年河水上陵樹夜霏微

塞上曲

青海正銜戈嫖姚一騎過旌旂翻壁月畫角冷銀河沙起黃雲合

天橫白鴈多飛書歸報捷諸將盡鳴珂

入塞曲

生入玉門關揮鞭唱凱還大風鳴羽箭積雪照陰山七協貔貅靜

諸軍帳旆閒歸來麟閣上蕭瑟鬢毛斑

關山月

邊月海西流征人汗漫遊清光聯鳳闕寒影拂吳鉤角度千山雪

風生萬馬秋誰憐閨閣裏目斷大刀頭

婕妤怨

長信宮中月清輝照婕妤深恩不可恃薄命獨愁予輦過金牀冷

秋高紉扇疏昭陽歌舞罷妾夢竟何如  
雨雪曲

客子長征日河流凍不開雙鵬銀磧度  
雲昏蔽草萊可憐霜雪夜驚策數聲哀  
隴頭水

白水挂諸峯滔滔自不窮勢連飛峽外  
風高逐轉蓬年年隴頭去嗚咽各西東  
蕩槳曲

吳水日泠泠吳兒倚棹聽江連秋草白  
香風動綠萍前溪含笑望錦纜舊曾停  
青樓曲

碧柳映雷塘青樓夾道傷重重金屈戌  
春雲散舞裳往來裘馬客多半少年行  
長安道

馳驟長安道春風滿渭橋朱門齊挾瑟  
星臨北闕遙平明鷓鴣列仙樂不雲霄  
梅花落

無數梅花樹紛紛正落英隴頭逢驛使  
空枝夜月生壽陽妝更好飄蕩不勝情  
折楊柳

下馬折楊柳垂垂堪作鞭輕煙籠繡陌  
烏唳淚已懸枝頭明月好淒斷畫樓前  
紫驢馬

塞上紫驢鳴驍騰最不平氣驕驚汗血  
旗翻豬尾輕長隨驃騎去獵火眾山明  
雒陽道

昨夜游平樂今朝過濯龍畫樓新月迴  
天邊出禁鐘陳王方好客車騎莫辭從



